

सुजुगिरिनि खोलोम

जिउ खुंनायाव मोनफ्रोमनिबो गोनांथि दड

जिउयाव जाय जेखि हाबा मावना नै जाया मानो सोल्लोथयनिबो गोनांथि दं आथिखालनि बोथोराव । बेखौ समाजनि बयबो मिबथिनो रॉनांगोन । नोजोर होनांगोन सोल्लोथय गैयै सुबुंफोरनि जीउ राहाखौ नुयोब्ला सान्ना गोनां जायो, आथिखालनि बे मुगायाव जॉनि माहारिया थावरिनानै थानो हागोना हाया ? गोजाम सुबुं समाजनि बै समनि सोल्लोथय लानाय सुबुंफोरनि जीउ खानाय राहाखौ नुयोब्ला हमदांनो हायो, लेखा रोडफोरनिखुइ बिसोरनि जीउ खानायनि आदोब-राहाआ गुबुनसिन, गेबेंसिन आरो गोखौंसिन ।

आथिकालनि सोल्लोथयनि आयदाफ्रा सोल्लोसाफोरखौ थाना थानायनि लामाखौ दिन्थि फुंजोबनो हायाबो जानो हागौ । फरायसाफ्रा मेट्रिकनि उनाव मा सिरिनि सोल्लोथय लागोन बेनि फारसेबो बिमा-बिफाफ्रा सांग्रां जानांगोन । बेफोर राहाफारिफ्रा थायाब्ला उन समाव मा हाबा मावना जानो,मात्रे जीउ खाना थानानै थानो बेखौ नागिरना लानो रोड जायो । सोल्लोथय जोबस्लाबा बालानो गेजेर ससेआव थानांगौ जायोब्लाबो जीउ खानायनि लामाया आसखान्दा जायो । गेदेर गोलावफ्रा सरासनफ्रा सुबुंफोरनि जीउ खानायनि राहा लामाफोरखौ दिन्थिनानै सुबुरुन होनो रॉनांगोन । अब्लासो राइजो-राजाफ्रा सोल्लोथयखौ एसेब्लाबो लानो सिगां बोगोन ।

जॉनि समाजनि गामि गफानि गथ'साफ्रा सोल्लोसालियाव थानो बानाय, नागारनाय बाइदिफोरा गोबांसिनै नुजायो । सोल्लोथयखौ लाना गाव गावनि जीउ दानायनि लामाखौ लानो सोल्लोथयादि गोनांथार बेखौ मिबथिनो हायैयावनो सोल्लोथय लानायाव दावगाख'नो हायाखै । जाउनाव सोल्लोथय लानानैबो खायफाया मोनफ्रा सरासनफ्रा थांखिखौल' लानाय नुनो मोनो, बेनो जाबाय सोल्लोथय लाखांनानै सोरकारी साखि मोनसे नागिरनाय । बे मोनसेल' थांखिखौ मानो नागरनानैबो आबादनि अनगा गोबां खामानिफोरनि फुंखा दं जा.जॉ जिउ खुंनायनि लामाया साखिबादियान । सोरकारी साखि नडब्ला जीउ खानो गुबुन लामा नागिरनानैबो लानायनि लामा गोबां दसै ।

सिगांनिफ्रायनो सोलिबोनाय गोजाम सोल्लोथय आयदाफोरनि अनगायैबो आथिकालाव गोदान गोदान सोल्लोथय आयदा दसै । जायफोरनि गेजेरजॉ सोरकारी साखि नडबाबो गाव गावनि जीउखौ खुंनायनि लामाखौ लानो हायो । बेनि गेजेराव जैर भकेसनेल आयदाफोर, बेफोर आयदानि गेजेरजॉ सोल्लोथय लाखांनानयनि उनाव गाव गावनि जीउ खानायनि नख'र सामलायनायनि लामाखौ सायख'नानै लानो हायो । गोदान आदोबजॉ गायनाय-फुनाय हाबाखौबो गोसो होनानै मावयोब्ला जीउ खानायनि लामाखौ लानो गोलेँ जायो ।

दिनैनि फान्जामुधि

राशि बाइदिथै मुंनि गिबि हांखो
 मेप : अ ल वृष : ऊ ब (उ ए इ) मिथुन : क छ (ड घ)
 कर्कट : ड ह सिंह : म ट कन्या : प ट (ण ष)
 तुला : त र बुश्चिक : ब न धनु : ध भ (ढ फ)
 मकर : ख ज कुम्भ : ग श (स) मीन : द च (ख ज झ)

- मेप:** नख 'रआव मानिबा गोजोन्नायखौ मोन्नाय नड । गोसोखौ शान्ति गैयै मोनगोन ।
- वृष:** बायदिसिना नांगौनि थाखाय रं बाहायनांगोन । थाखानाय रंआ जोबस्लानो हागौ ।
- मिथुन:** गोसोआव मानिबा दुखुफोर मोनबाय बायनो हागौ । गोसोखौ लोरबां लानो नाड ।
- कर्कट:** मोजं खामानि मावनानै मुंदांखा जानो हागोन । गोजोन्नायखौ मोनगोन । मोजं सान ।
- सिंह:** जे खामानिखौ मावगासिनो दड मुलाफ्फाखौ मोन्नो हागोन । मोजं सान ।
- कन्या:** मानिबा दायआव सोरजोबाफोर अजद दैखां जानो हागौ । सांग्रां जानांगोन ।
- तुला:** जेखि मावा मुलाफ्फाखौ मोन्नो हागोन । बे रशिन थाखाय गहाम सान ।
- बुश्चिक:** माबाफोर सान्नाय थांखिफोर दड'बा फेलें थानो हागौ । गोसोखौ शान्ति मोन्नाय नड ।
- धनु:** नख 'रआव मानिबा जेंना नुजानो हागौ । गोसोखौ अशान्ति मोनखांगोन । गोसोखौ हमथानानै था ।
- मकर:** सरकारनि साखि मावनायाव जौगानायखौ मोन्नो हागोन । नख 'रआ जौगानाय मोनगोन ।
- कुम्भ:** मानिबा थाखाय जिंगा सिनांनो हागौ । गोजोन्नाय गैयैजॉ सम बारहोनांनो हागौ ।
- मीन:** जायखि जाया मुवा-बेसादिनि फालांगि मावा मानो मुलाफ्फाखौ मोन्नो हागोन । मोजं सान ।

आयध्यान रुजुजायै बेंकाव सा 35,000 सुबुंफोरहा एकाउन्ट दं

गोदान दिल्ली, 11 फेब्रुवारी: भगवान राम थामहिनबा आयध्या धामआव मोनसे रुजुजायै बेंक दं, जेराव रावबो रं जमा खालामनो फैया नाथाय बे बेंकाव 35,000 एकाउन्ट हल्डारफोर दं । बे बेंकआव खालि गोसोनि गोजोन, फोथायनाय आरो धोरोमारि सानथौखौल' मोन्नाय जायो, बेवहाय रांनि जेबो लेनदेन जाया ! बे बेंकआ मोनसे गेजेर हायुंआरि बेंक, बेनि मुड 'इन्टारनेसनेल श्री सीताराम बेंक', जाय गोदानै लुजानाय राम मन्दिराव फैन्या सिबियारिफोर आरो दावबायारिफोरनि गोसोखौ बोनो हायो । गासैबो बिलाइयाव 'सीताराम' लिरनाय गोबां बिजाबफोर दं । बे धोरोमारि बेंकखौ नभेम्बर 1970 मायथाइयाव श्री रामजन्मभूमि तीर्थ क्षेत्र ट्रस्टनि गहाइ महन्त नृत्य गपाल दासआ गायसनदोमोन । बे बेंकयाव



आमेरिका, ब्रिटेन, कानाडा, नेपाल, फिजी, इउएइजों लोगोसे भारत आरो गुबुन हादोरफोराव 35,000 नि बांसिन एकाउन्ट गोनांफोर दं । बेंकआव भगवान रामनि सिबियारिफोरनिफ्राय 20,000 कौटि रांनि 'सीताराम' बिजाबफोर बुधुमनाय दं । बेंकनि सामलायगिरि पुनीत राम दास महाराजनि बायदिब्ला, थानाय

दानाव गेदेर राम मन्दिरनि प्राण प्रतिष्ठा फोर्बॉनि उनाव बेंकाव सानफ्रोमबो फेग्राफोरनि अनजिमाया बांदों । बेंकआ सिबियारिफोरनो बेसेन नाडै बिजाबफोर आरो गोजा रेबगन होयो आरो मोनफ्रोमबो एकाउन्टनि हिसाब लाखियो । बेंकआव एकाउन्ट खुलिनी थाखाय खमैबो 5 लाख खेब 'सीताराम' लिरनांगोन आरो

बेनि उनाव पासबुक होनाय जायो । बे बेंकहा भारत आरो गुबुन हादरावबो गं 136 दालायफोर दं । एकाउन्ट गोनांफोराबो जोंनो डाकजों बिजाबफोर दैथायहरो आरो जों बेयाव बिजाबफोरखौ मोन्नो हायो । बिथाड बुंदोदि, दावबायारिफोरा सीताराम लिरनाय आरो बेखौ बेंकाव जमा खालामनायनि मुलाफ्फानि

सायावबो सोंथि खालामो । बिहारनि गयानि जीतु नगर, जाय 14 बोसोरनिफ्राय बेंकआव फेगासिनो दं । बेयो बिथानि आर'जनि मोनसेल' महरमोन । थानसालियाव आरज गावनायनि अनगायै, आं बेखौ सर' खालामो आरो जेब्लानो आं दुखु एबा जेंनायाव गोलैयो अब्ला बेयो जेब्लानो आंनि थाखाय खामानि मावो । आं बेखौ गासै बोसोरावनो लिरो आरो बोसोराव खेबसे बेंकाव जमा खालामो । नोंथानाव मोनसे राहा ददि, नोंथाड नोंथानि बिजाबखौ मेल खालामनोबो हागोन, नाथाय आं गावनो बैयाव थानो मोजां मोनो । बिथाड बुंदोदि, बिथाड सिगांनिफ्रायनो 1.37 कौटि मुंनि बिजाबफोर गथायखांबाय । उत्तर प्रदेशनि बरेलीनि गुबुन सासे एकाउन्ट

गोनां उमन दासआ बुंदोदि, बिथाड 25 लाख खेब 'सीताराम' लिरदोमोन । जेब्ला आं आंनि नसुंसेनि सुबुंनो बेंकनि सोमोन्दे खोन्थादोमोन अब्ला बियो सानदोमोनदि, आं फाग्ला जाबाय, नाथाय आं गोखोडैफोथायदोमोन बिथाड बुंदोदि । जेब्लानो आं लिरो, आं रेजें मोनो आरो आं आंनि आर 'जखौ खोनासनाय मोन्दांनो हायो । 22 जानुवारीखलि गाहाय मन्थि नरेन्द्र मदिनि दैदेन्नायाव मोनसे गोथार फोर्बॉआव भगवान रामनि मोनसे गोदान मुसुखाखौ गिदिर थानसालियाव बावनाय जादोमोन । लाख-लाख सुबुंफोरा गावसोरनि न'फोर आरो खाथि-खालानि थानसालिफोराव टेलीभिजनआव 'प्राण प्रतिष्ठा' फोर्बॉखौ नायदोमोन, जाय लकसभा बिसायख'थिनि माखासे दान सिगां खुंजानाय जारिमिनारि हाबाफारिनि बाहागो जादोमोन ।

आसाम सरकार मोन्थोर आरो जादु टनाजों फाहामनायनि हेंथा बिल पास खालामबाय

गुवाहाटी, 11 फेब्रुवारी: बिगियानआ माखासे गोब्राब एबा फाहामथाइ गैयै बेरामिफोरखौ फाहामथाइ होनायनि राहा संदाना दिहुन्दों । नाताय आथिखालावबो गोबां सुबुंफोय थगायनानै आरो गियान गैयै सुबुंफोरनि फुस्त्यायनायाव फेनानै एबा मोन्थोर रायना फाहामनायनि लामाखौ आजावो । बे बायदि खोरंखौ जों खोनानो मोनोदि, फलाना बाबा एबा फकीरआ थामहिनबा मोन्थोर रायग्रा अजाफोरनि मोन्थोर रायनानै बेरामिफोरखौ फाहामदों । जॉनि भारत हादतआव बेफोरखौ गोबां नुनो मोनो । अदेबानि बे बायदि खालामनाया आसामाव आयेन बेरेखा जासिगोन । शनिबारआव आसाम सरकारआ फाहामथाइनि मुंआव जादु एबा मोन्थोरजों फाहामथाइ होनाय खान्थिफोरखौ होबथानो आरो



फोजोबनो थाखाय मोनसे बिल गनायथि होबाय । बे बिलआव ओरैबायदि, फाहामथाइ होग्राफोरनि हेंथायै गोब्राब साजा होनायनि नायबिजिस्नाय नेम-खान्थि लाबोनाय जादों । बे थांखिखौ गिबि मन्थि हिमन्त बिश्व समांनि आफाद सामलायनाय केबिनेट जथुम्मायाव लानाय जायो । जथुम्मायाव लानाय थांखिफोरखौ फोरमायनानै गिबि मनिश्रआ बुंदोदि, केबिनेटआ मोनसे बावसोमनाय खुंथाइ गोखौं जौगाखां हाबाफारिनि

थाखाय 10 सहर/ गामिफोरखो सायख'दों आरो राज्य नोगोर पालिका केडारआव साबस्नाय लाबोनायनि बिथांखि दिन्थिदों । मन्थि आफादआ आसाम फोसावथाय खान्थि बिल 2024 खौ गनायथि होयो । बे बिलनि थांखिया बेंगा, बबा, खाना, बेंगुरा आरो एटिज्म बायदि माखासे जोनोमावनो फेखानाय बेरामफोरखौ फाहामनायनि मुंआव मोन्थोरजों फाहामथाइ खान्थिखौ होबथागोन आरो फोजोबगोन ।

राहुल गान्धीनि भारत जड़ न्याय यात्राया समनि सिगांनो जोबथागोन

गोदान दिल्ली, 11 फेब्रुवारी: फेगौ एफ्रिल-मे दाननि गेजेराव हादतआव लकसभा बिसायख'थिआ खुंजागोन । बसायख'थिनि अक्टखौ फोसावनायनि सिगां राजखाथि दोलोफोरा थियारियाव नांथाबदों । माखासे दोलोफोरा माखासे मासि एबा बिबाबफोरनिफ्राय गावसिनि बिजाथिफोरखौबो फोसावनानै होबाय । बेनि गेजेरजों कंग्रेस पाटिआबो राहुल गान्धीनि दैदेननायाव 'भारत जड़ न्याय यात्रा' खालामगासिनो दड । बे खेबआव कंग्रेसनि यात्राआ मिजरामनिफ्राय जागायदोमोन आरो बेयो मुम्बाइआव जोबथागोन । थानाय 10 फेब्रुवारीनिफ्राय जागायनाय कंग्रेसनि यात्राआ फेगौ 20 मार्चआव मुम्बाइयाव जोबथाहैगोन । नाथाय आथिखालाव गनायनाय



जादोंदि, यात्राया समनि सिगांनो जोबहैसिगोन । सुलुनि बायदिब्ला, यात्राखौ गोख्रैसिन खालामदों । सिगां सानसेआव 70 कि: मि: दावबायनो थि खालामनाय जादोंमोन । अदेबानि यात्राआ सानसेआव 100 किल'मिटरै सोलिगासिनो । बेजों लोगोसेनो उत्तर प्रदेशआव पाटिआ 11 दान सान जायालासे 6-7 समनि गेजेरावनो जोबथासिगोन । बेनि गेजेरजो राहुल गान्धीनि बे यात्राआ 10 मार्चआवनो जोबथानो हागौ । सुलुनि बुंवावनाय बायदिब्ला, बावैसो राजखान्थियारि गुलाय-गुजाय जानायफोरा कंग्रेसनि जेंनाखौ बांहोदों । यात्रानि समावबो माखासे गिदिर दैदेनगिरिफोरा पाटि नागरनानै थादों । इन्डिया जुथाइ पाटिनि माखासे लोगोफोराबो गेजेरावनो नागरनानै थादों । नितिशा कु मारआ एनडिआव

हाबहैबाय । आरएलडिखौ एनडिआव हाबहैगोन होन्ना आसा खालामनाय जादों । फारसेथिं माखासे गुबुन दोलोफोराबो कंग्रेस पाटिनो गावसिनि गोहोखौ दिन्थिदों । बेफोर जेंनाखौ बोस्लानो थाखाय राहुल गान्धीआ यात्राखौ थि खालामनाय समनि सिगांनो फोजोबनो सान्दों । बेजों लोगोसेनो इन्डियाआव मासि रान्नायखौ लानानै गोबाव माखासे दोलोफोरनि दैदेनगिरिफोरा बुंखांबायदि, बे गोबाव जानायनि आन्दोआव कंग्रेसनि मोनसे गिदिर जाहोन दड । मख'जाथावदि, कंग्रेस पाटिआ मासि रान्नायनि थाखाय कमिदि दानानै लादों । बे क'मिदिआनो माखासे दोलोफोरजों जथुम्माबो खालाममांखाव, नाथाय दासिमबो जोबथा थांखि सौफेयाखै । बे थांखिखौ राहुल गान्धी आरो मल्लिकार्जुन खरगेआ लागोन । बेनि थाखाय राहुल गान्धीआ दिल्लीयाव थानायाबो गोनांथार ।

आमेरिकानि थान्दै मावख'रखौ बमाहोनो हुमरिव हटदों



मुम्बाइ, 11 फेब्रुवारी: महाराष्ट्रनि राजथाननि मुम्बाइयाव आमेरिकानि फालांगियारि थान्दै मावख'रखौ बमाजों उरायहोनो हमखि हरनाय मेल मोन्नो हादों । थान्दै मावख'रनि मावख'रारि इ-मेल आइडिआव दैथायहरनाय मेलआव प्रेषकआ दाबि देखांदोदि, बियो सासे खारलुं आरो बेनि हेंथायै आमेरिकयाव गोबां गोब्राब केसफोरा सोलिगासिनो दड । बे केसआव पुलिसआ सिनायमोनै सुबुंनि हेंथायै केसखौ नायबिजिस्नो जागायबाय । बे मेलआव दायनिगिरिया दाबि देखांदोदि,

आमेरिकानि हादतगिरि ज' बाइडेना गावनियाव पासनेल निमाहा बिनांगौ आरो गावनि हेंथायै सोलिबाय थानाय गासिबो केसखौ बोखांनो होनांगो होन्ना बुंदों । बेजों लोगोसेनो बियो लिरबावदोदि, जुदि बेबायदि खालामब्ला, बियो भारतआव थानाय गंग्रफोमबो आमेरिकान थान्दै मावख'रखौ बमाजों उरायहोगोन । मिबथिनो मोन्नाय बायदिब्ला, हुमखि हरनाय बे मेलआ मुम्बाइनि बान्द्रा कुर्ला कमप्लेक्स ओस्सोलाव थानाय आमेरिकान फालांगि मावख'रखौ 9 फेब्रुवारी

शुक्रबारखलि अखा नायसि 3:50 रिंगायाव rkgrading77@gmail.com मुंनि इ-मेल आइडिनिफ्राय मोन्दोंमोन । बे केसखौ मिबथिनानयनि उनाव मुम्बाइनि बिकेसि पुलिस स्टेशनआ सासे सिनायमोनै सुबुंनि हेंथायै आइपिसिनि सेक्स 505 (1) बि आरो सेक्स 506 (2) नि गेजेरजों केस थिसनो । बेयाव सुबुंनि हेंथायै सुबुंफोरनि गेजेराव गिहोनाय आरो संखिनाय गोसाहोनायनि थांखिजों फिन होनाय आरो राइज्योआव राइज्योआरि गोजोनखौ

जेफ बेजासआ 1.2 कौटि शेयार फान्दों

गोदान दिल्ली, 11 फेब्रुवारी: 2021 नि उनाव फिन खनसेबाव एमाजननि क-फाउन्डार जेफ बेजासआ कम्पनीनि शेयारफोरखौ फान्दों । बेजासआ थानाय सप्ताहआव बेखौ फानो । स्टक एक्सेन्सनि खौरां बादिब्ला, बेजासआ 2 बिलियन डलारनि शेयार फान्दों । सोलिफु जानुवारि दाननि जागायजेन्नायाव कम्पनीआ मिथिहोदोंमोनदि, फेगौ 12 दाननि गेजेराव बेजास कम्पनीनि 50 मिलियन शेयारखौ फानगोन । बेनि उनावनो कम्पनीनि 12 मिलियन शेयार फान्नायनि खोराडा सोराडाव फेदों । ब्लुमबार्ग बिलियनयार्स इन्डेक्सनि बादिब्ला, थानाय फालांगियारि सप्ताहनि जोबथा



सान शुक्र बारखालिसिम बेजासनि नेटवर्कआव 22.6 बिलियन डलार बांनयखौ थिसनो मोन्दों । बेनिफ्राय बेजासनि गासै सम्पत्तिआ 199.50 बिलियन डलार जाहैयो । मख'जाथावदि, बेनि सिगांबो बेजासआ 2020 आरो 2021 आव 20 बिलियन डलारनि शेयारफोरखौ फान्दोंमोन ।

थानाय 1 फेब्रुवारिआव एमाजननि सिगांनि 3 दाननि फिथाइखौ फोसावदों । कम्पनीआ मिथिहोनाय बादिब्ला, 170 बिलियन डलारनि गासै सेल्स जादों । बेवहाय कम्पनीनि नेटप्रफिटआ 10.6 बिलियन डलार जायो । मख'जाथावदि, बेजासआ बावैसो सिगां 60 बोसोर आबुं जालांबाय । बेयो एमाजन स्टकनि 1 आरब शेयारफोरनि बिगोमा ।

गाहाइ मन्थि मदिआ पन्डित दीनदयाल उपाध्यायनि रुंसारि सानआव बिबार बाउदों

गोदान दिल्ली, 11 फेब्रुवारी: गाहाइ मन्थि नरेन्द्र मदिआ पार्तिनि गाहाइ सावरायगिरि पन्डित दीनदयाल उपाध्यायनो बिथानि रुंसारि सानआव बिबान बाउदों। बिथाड बिबार बाउनाई बुडोदि, पन्डित दीनदयालआ भारतयारि हारिमु आरो बिरासटखौ मिरुआव दोनानै हादरखौ सिगां फासै लाना थानायनि लामा दिन्थिलांदों। गाहाइ मन्थि मदिआ ससेल मिडिया एक्सआव पस्ट होनाई पन्डित दीनदयाल उपाध्यायनि रुंसारि सानआव बिबार बाउनायजों लोगोसे हादरनाडै नि आंगो नख 'रफोरनि जानानैबो गंगलायै खुलुमना मान होदों। बिथानि दिन्थिलांनय लामाया जौगाफु भारतनि थाखायबो थुलुंगाखांथाव होन्ना बुंदों। गाहाइ मन्थिनि



अनगायै बिजेपिनि गुबुन दैदेनगिरिफोराबो पन्डित दिनदयाल उपाध्यायनो रुंसारि साननि बिबार बाउदों। बिजेपिनि माहारियारि आफादगिरि जेपि नडुआ ससेल मिडिया एक्सआव पस्ट खालामनानै बिथांखौ गोसोखांदों आरो बिथानि होलांनय गियानआ पार्तिनि थाखाय लामा दिन्थिलांगोन होनाई बुंदों।

मिरुनि नख 'रमन्थि अमित शाहआ पन्डित दीनदयालनि रुंसारि सानआव बिबार बाउदों। मन्थिआ बुंदोंदि, पन्डितनि मावलांनय हाबाफोर हादर सिबिनाय आरो बेनि फासै बाउसोमनायनि मोनसे गिदिर नेसों। बिथाड गनायना लादोंमोनदि, जायखि-जाया हादरआ गावनि हारिमुनि गुबे बेसेनफोरखौ नेना थानानै जौगालांनो हाया।

गोदान दिल्ली, 11 फेब्रुवारी: हादरगिरि द्रौपदि मुमुंआ बुंदोंदि, जनजातीय एबा ट्राइबेल फोलेरनि जिउ खुंनय हुदाया मुलुगनि जेना बोथोर सोलायनायखौ सुखानायनि राहा होयो। बिसेरनि फोलेरनिफ्राय मोनबोनाय गियानखौ संरैखाथि खालामनायनि थाखाय हान्जायै नाजानांगो होन्नाईबो बिथाड खालायदों। हादरगिरिआ ट्राइबेल हारिफोरनिफ्राय मिथिगाजों गोरोबफलेना थानाय एबा जिउ खानायखौ सोलांनानै लानांगोन सायाव नोजोर होदों। मख 'जाथावदि, हादरगिरि मुमुंनि बिबुंथिआ एरैबादि समाव सोराडाव फेदों। जेराव मडानाईजेसन एबा गोदान मुगानि दावगानाया बुहुम आरो बेनि



मिथिगानि सम्पदफोरखौ गोबां खहा खालामगानिसो दड। हादरगिरिआ मेजर ध्यानचान्द नेसनेल स्टेटियामआव खुंनय आदि महात्सबखौ बेखेवना होनायनि उनाव गावनि

बिबुंथियाव बुडोदि, बोथोर सोलायनायजों मोगा-मोगि खालामनो थाखाय ट्राइबेल हारिनि जिउ खानाय हुदाखौ आजावनाया मख 'जाथावसिन जानानै फेयो। आथिखालाव

गासै मुलुगआनो ग्लबेल वर्मि आरो बोथोर सोलायनायनि जेनाजों जुजिनो नाजागासिनो दड। बिब्दिआव ट्राइबेल हारिफोरनि जिउ खुंनय हुदाया आरोबाव गोहोम गोनांसिन

जानानै फेयो। हादरगिरि द्रौपदि मुमुंआ दोरोडारि गियानआ लासै लासै गोमालानायनि सायाव जिंगा सिनाय फोरमायो आरो बेखौ सरैखाथि खालामनानै लाखिनो बयबो हान्जायै नाजानांगोन सायाव गोनांथि होयो। बिथाड बुंबावोदि, बे नाजानायाव गोरोखोआबो मख 'जाथाव बिफाव लानो हागौ। ट्राइबेल हारिफोर गोदान गोरोखोजों एबा बेनिफ्राय मुलाम्फा लानो हागौ आरो गोरोखोखौ मोजां जौगाखांनयनि थाखाय बाहायनो हागौ। बे महात्सबनि थांखिआ भारतनि ट्राइबेल बिरासटखौ गोजोरै लाखिलांनय आरो दिन्थिफुनाय। बे हाबाफारिआ फेगौ 18 फेब्रुवारिसिम सोलिगोन।

2023 आव सा 120 दायनिगिरिफोरनो थैनायनि साजा फोसावदों: रिपर्ट

गोदान दिल्ली, 11 फेब्रुवारी: हादरआव सा 561 केदिफोर दड; जायनो थैनायनि साजा खोनासं होखांनय जाबाय। बेयो थानाय 20 बोसोरगव फोसावनाय जायखि-जाया बोसोरनि जोबथा समनि नायसंनय अन्जिमा। मख 'जाथावदि, 2015 नि उनाव बेबादि केदिफोरनि अन्जिमाया 45.71 जौखोन्दो बांदों। मोनसे रिपर्टआव बे खौरांखौ मिथिहोनाय जादों।

दिल्लीनि नेसनेल भिडि इडनिभासिदिआव प्रजेक्ट 39 ए आव सेबखानाय भारतआव थैनायनि साजा: बोसोरारि सानरेब रिपर्टनि 8 थि इडिसनआव बुंदोंदि, लवार कर्टफोर 2023 आव सा 120 दायनिगिरिफोरनो थैनायनि साजा खोनासंहोदों। नाथाय बे बोसोरारि 2000 माइथायनि उननिफ्राय एपिलिय कर्टफोर थैनायनि साजा होनायखौ लाखिलांनयानय बयनिखुडुबो



खमसिन नुनो मोन्दों। सुप्रिम कर्टआ 2021 नि उनाव नैथि खेब जायखि-जाया बोसोरारि सोरबा दायनिगिरिनि थैनाय साजाखौ लाखिलांनय थायाखै। रिपर्टनि बादिब्ला, सुप्रिम कर्टआ 2023 आव रावबो दायनिगिरिखौ थैनायनि साजा होयाखै। हाइकर्टआव मार्डरनि ससन्सा केसआव हाइकर्टआ सासेल' दायनिगिरिखौ थैनायनि साजा फोसावदों। बेबादिनो 2023

आव 2000 माइथायनि उननिफ्रायनो एपिलिय कर्टफोर थैनायनि साजा होनाया बयनिखुडुबो खमसिन जादों। रिपर्टआव बुंबावदोंदि, 2023 नि जोबथायाव लवार कर्टफोर सा 120 दायनिगिरिफोरनो थैनायनि साजा खोनासंहोदों आरो भारतआव सा 561 के दिफोरा एरैबादि दड जायफोरनो थैनायनि साजा फोसावखानाय जाबाय। बेनि गेजेरजों 2023 आव सिगांनि

20 बोसोरफोराव थैनायनि साजा मोनाय केदिफोरनि अन्जिमाया बयनिखुडुबो बांसिन जायो। नेसनेल क्राइम रेकर्ड ब्युर'नि रिपर्ट बादिब्ला, बे जौथायनि जागायजेनायनि उनाव नैथि खेब बेफोरबादि केदिफोरनि अन्जिमाया बयनिखुडुबो बांसिन जादों। अदेबानि 2023 आव 2015 नि उननिफ्राय थैनायनि सासा मोनफोरनि अन्जिमायाव 45.71 जौखोन्दो बांनयखौ नुनो मोन्दों।

दिल्लीनि गोबां ओन्सोल आरो सिमनाफोराव धारा 144 जाबसिन्दों

गोदान दिल्ली, 11 फेब्रुवारी: आबादारिफोरा गावसोरनि गोबां दाबिफोरखौ लानानै फिन खेबसेबाव दिल्ली फारसे हान्जा सुरनो फोसावदों। बेनि थाखाय हारियाणा आरो पान्जाबनि आबादारिफोरा दिल्लीयाव थांबाय। बिसेरखौ होबथानो थाखाय हारियाणा सरकारआ गोबां रोखोमनि हेंथा होदों। लामाफोराव सिमेन्ट गोनां बेरिकेड आरो सु होथेनाय जादों आरो जाम्फेफोर जावनाय जादों। बेनि उनावबो जुदि आबादारिफोरा दिल्ली सौहेनायाव जाफुंसार जायो अब्ला दिल्ली पुलिसआ बिसेरखौ होबथानो थियारि जाबाय। बे थांखिजों दिल्ली पुलिसआ राइज्योनि गोबां ओन्सोल आरो सिमनाफोराव धारा 144 जाबसिनदों। दिल्ली पुलिसजों फोसावजानाय बिथोनाव बुंनय जादोंदि, आबादारिफोरनि सोमावसारनायखौ नोजोर होनाई सिमनाफोराव धारा 144 जाबसिन्नाय जादों। बिथोनाव



बुंनय जादोंदि, रबिबार 11 फेब्रुवारिनिफ्राय 11 मार्चसिम धारा 144 आ गोहोम गोलैगोन। बेजों लोगोसे धारा 144 नि जाहोनाव जायखि-जाया सिमनायाव होंगो-दोंगो ज' जानो हानाय नड। पुंलि स जे' फोसावजानाय बिथोनाव बुंनय जादोंदि, धारा 144 खौ मावफुंनयनि जाहोनाव ट्रेक्टर, टूली, बास, ट्रक, फालागियारि

गारि, गराय बायदिफोरखौ दिल्लीयाव फेनायनिफ्राय होबथानाय जागोन। बेजों लोगोसे जायखिजाया सुबुंखौ हाथियार, थुंथि, त्रिशूल, लावथि एबा रड बायदि लानानै दिल्लीयाव फेनायखौ होबथानाय जागोन। बेनि सिगाडव हारियाणानि खट्टर सरकारआ राइज्योनि दर 7 जिल्लाफोराव इन्टारनेट सिबिथायखौ बन्द

खालामदोंमोन, बबेखानि आथिखालाव पंचकुलायाव धारा 144 जाबसिन्नाय जादों। पंचकुलानि डीसीपी सुमेर सिंह प्रतापनि बायदिब्ला, हान्जा सुरनाय, दिन्थिफुंनय, हान्जा सुरनाय आरो जायखि-जाया रोखोमनि लावथि, रड एबा हाथियारफोर लांनयजों लोगोसे आथि, ट्रेक्टर टूली आरो गुबुन गारिफोरखौबो होबथानाय जादों।

सिक्किम सरकारा मणिपुरआव जानाय जाथायाव थैनाय नख 'रनो 5 लाख रां अन्सुंथाइ होनो फोसावबाय



गंटक, 11 फेब्रुवारी: सिक्किम सरकारा 10 फेब्रुवारीयाव मणिपुरआव जानाय गंसे ट्राक गारिया फोथारव हाबहेनानै जानाय जाथायाव जिउ गोमानाय नख 'रनो 5 लाख रां अन्सुंथाइ होनो फोसावदों। मख 'जाथावदि, मोनसे थामबला हाबाफारि जानायनो जाबब्रथाइ जादोंमोन। गंटकनि जिल्ला बेंगिरि तुसार निकारेआ जाथाइनि सायाव मिडियानि सिगाडव बुंदोंदि, 10 फेब्रुवारीआव बेलासिनि 7:30 रिंगायाव रानिपुरआव मोनसे तंबोला हाबाफारि जाथाइ जागासिनो दंमोन। हाबाफारि जाबाय थानाय समावनो गंसे ट्राकआ हाबफेयो, जायनि जाहोनाव सा 3 सुबुंनि जिउ ख'हा जायो। बिसेरनि अनगायै सा 20 सुबुंफोरखौ देहा फाहामसालियाव थिसना फाहामथाय होनाय जादों।

सिक्किमनि गिबि मन्थि प्रेनसिं टमांगआ जिउ गोमानाय आरो जोखोम जानायफोरनि सायाव जिंगा सिनाय फोरमायदों। मिडियाजों सावरायनाय समाव गिबि मन्थिआ जोखोम जानायफोरनि फाहामथाय होबाय थानायखौ मिथिहोदों। तमांगआ बुंबावदोंदि, मणिपुरआव जानाय जाथायखौ लानानै आं गोथी दुखु मोन्दों। सरकार आरो जिल्ला खुंथाइनि बिबानगिरिफोरा रैखाथि हाबाफारिनि थाखाय गोखों नाजागासिनो दड। आरो गोहोम गोलैनाय सुबुंफोरखौ मणिपाल देहा फालामसालियाव फाहामथाइ लागसिनो दड। भुगिनांनय सुबुंफोरनि थाखाय हेफाजाव

जगायना होदों। मणिपाल एबा राइज्यो सरकारा कभार खालामनाय लोब्बा थानाय केसफोराव फाहामथायनि गासिबो खरसाजों लोगोसे बे खैफोदनि समाव नांगौ मानि मदतखौ गासिबो जगायना होगोन। गिबि मन्थिआ जाब्रबथाइयाव जोखोम जानाय आरो भुगिनांनय नख 'रनि थाखाय इसोरनाव आरज गाबदों। बेनि अनगायै सिक्किमनि गिबि मन्थिआ जाब्रबथायाव जिउ गोमानायनि फारसे गोथी दुखु मोन्नाय फोरमायनानै बिसेरनि जिउमानि गोजोननि थाखाय आरज गाबदों।

गोदान दिल्ली, 11 फेब्रुवारी: माहारियारि राजथावनि दिल्लीआव बोथोरआ दिदोम जायाखै। फुंनि समाव गुसु बार बारो आरो खुवा खुयो आरो सान्जौफुनिफ्राय गोखों सान्दुं ओंखारो। दिल्लीनि अनगायै हाजोफोरव गोलैनाय बरफनि गोहोमखौ माखासे हायेन ओन्सोलफोरवबो नुनो मोन्दों। बोथोर बिफाननि बायदिब्ला, उत्तर प्रदेश आरो बिहारजों लोगोसे भारतनि गोबां ओन्सोलफोरा 14 फेब्रुवारीसिमाव अखा हागोन होन्ना एलार्ट फोसावदों। राजथावनि दिल्लीनि बोथोरा दसे-दसेनो सोलायगासिनो। रबिबार फुंआव बिदुंआ गोबां दावखलायनाय थिसनजादों।

दिल्लीयाव बरफनि गुसु बार आरो खुवानि थासारि सोलिदों



फारसेथिं फिन खुवानि गोहोमबो नुनो मोन्दों। बोथोर बिफाननि बायदिब्ला, दिल्लीयाव फेगौ माखासे सानसिम फुंनि समाव एसे खुवा खुनायखौ नुगोन। बे समाव बार बारनायनि गोखैथिआ 4-8 कि: मि: नि गेजेराव थागोन। फेगौ बुधबारआव गेसं

रेहाय मोनगोन। बोथोर बिफाननि बायदिब्ला, दिल्लीयाव फेगौ माखासे सानसिम फुंनि समाव एसे खुवा खुनायखौ नुगोन। बे समाव बार बारनायनि गोखैथिआ 4-8 कि: मि: नि गेजेराव थागोन। फेगौ बुधबारआव गेसं

अखा हानो हागौ। फारसेथिं बिहारआव फिन खेबसेबाव बोथोरा सोलायगोन, जेराव बिहारनि गुबुन-गुबुन बाहागोफोरव गेजेर थाखोनि खुवा साग्लोबगोबनानै थायो। बोथोर बिफाननि बुंनय बायदिब्ला, 18 फेब्रुवारीसिम

बिहारआव गोजानायनिफ्राय रेहाय मोन्नाय नड। अदेबानि सान्जौफु सान्दुं दुंनयजों सुबुंफोरा रेहाय मोन्नो हादों। बोथोर बिगियानगिरिफोरनि बायदिब्ला, फेगौ सान 3 सिमाव राइज्योनि आबहावाया गाहामैनो थागोन एबा अखा हानाय नड। बेनि उनाव अखा हानायनि आसा दड। पान्जाबनि गुबुन गुबुन बाहागोफोरव निहिर गोलैगासिनो दड; जेराव साननि समाव बोथोरा गाहामै थायो आरो मोनाबिलिनिफ्राय गुसु बार बारनो ह्यो। बोथोर बिफाननि बायदिब्ला, 15 फेब्रुवारीनिफ्राय सोनाब नारिसन्थाइआ सांग्रां जानायनि आसा दड; जायनि जाहोनाव जोमै साग्लोबना थागोन आरो गेसं अखा हानो हागौ।

खोला केलिपर्नियाआव गंसे हेलिकप्टरआ जाब्रबथाइ जादों

गोदान दिल्ली, 11 फेब्रुवारी: खोला आमेरिकानि केलिपर्नियाआव मोनसे गिदिर जाब्रबथाइ जायो। खोला केलिपर्नियानि मोजा भे बालाबारियाव गंसे हेलिकप्टरनि जाब्रबथाइ जायो। जेराव सा 6 सुबुंफोरनि जिउ खहा जायो। बेयो रोखा नडादि, हेलिकप्टरआव गाखोना थानाय सुबुंफोरा मा जाहैखो। सैन वर्नाडिनो काउन्टी शेरिफ बिफानआ बुंदोंदि, बिसेरो रावखोबो जिउ गोनां मोनाखै,

नाथाय बिसेरो बिखौबो बुडुखैदि, बे जाथायाव सोरनिबा जिउ गोमादोंना गोमायाखै। खौरं बिजों एपि नि बायदिब्ला, बिफाना शुक्र बार मोनानि 10:12 रिंगायाव बे जाथाइनि बारै मिथिदोंमोन। बिसेरो मिथिहोदोंदि हेलिकप्टरआ हलरन स्पिंगसिन र'ड सेराव जाब्रबथाय जादोंमोन। सिभिल एभिएशन खुंथाइआ रोखा खालामनाय बायदिब्ला, हेलिकप्टरआव सा 6



नाथाय बिसेरो बिखौबो बुडुखैदि, बे जाथायाव सोरनिबा जिउ गोमादोंना गोमायाखै। खौरं बिजों एपि नि बायदिब्ला, बिफाना शुक्र बार मोनानि 10:12 रिंगायाव बे जाथाइनि बारै मिथिदोंमोन। बिसेरो मिथिहोदोंदि हेलिकप्टरआ हलरन स्पिंगसिन र'ड सेराव जाब्रबथाय जादोंमोन। सिभिल एभिएशन खुंथाइआ रोखा खालामनाय बायदिब्ला, हेलिकप्टरआव सा 6

दावबायारिफोर दडमोन। एफएए आरो माहारियारि हान्था-मेलारैखाथि बर्डनो बे जाब्रबथाइनि नायबिजिरनाय बिबानखौ गथायनाय जायो। बिसेर बुंदोंदि, बे नायबिजिरना हान्जाया जायगायाव थानानै खोरंखौ बुधुमगोन। बे जाब्रबथाया सैन डिएगीनि बायजोआव मंगलबारव गंसे आमेरिकान लैथोमाफोर हेलिकप्टरनि जाब्रबथायनि सान 3 उनाव जादों, जेराव सा 5 दै सान्थिफोरनि जिउ गोमादोंमोन।

आबुं नायनो 3 सान आरो 15 घन्टा सम नांनय मुलुगानि लावसिन सावथुन


गोदान दिल्ली, 11 फेब्रुवारी: सावथुनफोरा सुबुं माहारिआव जुनिया जायगा दं। बेखौबो बुंनय जायोदि, सावथुना समाजनि मोनसे आइना। सुबुंफोरा मानो मोनसे मोजां सल'नि गेजेरजों मुलुगखौ मिथिनो आरो बुजिनो खाबु मोना। सुबुंफोराबो सावथुनफोरखौ जोबोद मोजां मोनो बेनि थाखाय सल'आ गोखों जानांगौ अब्ला सुबुंफोरा जायखिजाया समावनो



सावथुननि सोमोन्दै मिथिहोनो थांगासिनो। सावथुननि मुझ 'दि किउर फर इनस 'मनिया'। जुदि नोंथाड बेखौ नयनो जुरिजेनगोन

हेनरी टिमोजआ दिथा होदों। सावथुननि समा 5220 मिनट। बे सावथुननि बयनिखुइबो गोनांथारसिन बाश्या बेनोदि, बेयाव जेबो जर 'खा सल' गैया। बे सावथुनाव सासे महरगिरि दं, जायखौ गावनि 4080 बिलाइनि खन्थाइफोरखौ फरायनाय नुनो मोनो। सावथुननि महरगिरिनि मुझ एलडी ग्रबन। सावथुनखौ गिबि खेब शिकागनि स्कुल अफ द

आर्ट इन्स्टिटुटआव दिन्थिनाय जादोंमोन। बे सावथुननि गेजेराव गात्रि आयदाबो दं। बे सावथुना 31 जानुवारि 1987 माइथायाव फोसाव जादों, जाय 3 फेब्रुआरि 1987 माइथायाव जोबदोंमोन। सावथुना थाद 'नाय गैयाजासे 3 सान आरो 15 घन्टासिम सोलिबाय थादोंमोन। औरैबायदि बुंनय जायोदि, बे सावथुनखौ बैसोर सुबुंफोरनि थाखाय बानायनाय जादों, जायफोरा उन्दुनो रोडे दं, बेनि थाखाय सावथुननि मुंखौ बेनि मुझव दोन्नाय जादों। बे सावथुननि मुझ गिनीज बुक अफ वर्ल्ड रेकर्ड खालामनो हादों। बे सावथुना मुलुगानि बयनिखुइबो गोलावसिन सावथुन जानायनि रेकर्ड दं। □



सावथुनखौ नयनो मोजां मोनो। सावथुना जेसेबांखि गोलाव जाया मानो। सावथुना सरासनस्त्रायै 3 घन्टानि जायो। नाथाय नोंथाड मिथियो ना? बुहुमनि बयनिखुइबो गोलावसिन सावथुना 3 सान 15 घन्टानि। दिनें जों नोंथांनो बे

अब्ला सावथुना 3 सान 15 घन्टानि उनाव जोबगोन। बेनिफ्राय रोखायै मिथिनो मोनगोनदि, बेयो मोनसे हलिउड सावथुन आरो बे सावथुना 87 घन्टा गोलाव। बे सावथुना 1987 माइथायाव फोसाव जादोंमोन। बे सावथुनखौ जन



सुमित नागलआ चेन्नाइ अपेननि फाइनालाव सौहैबाय

गोदान दिल्ली, 11 फेब्रुवारी: भारतनि जौसिन थाखोनि टेनिस गेलेगिरि सुमित नागलआ चेक रिपब्लिकनि थामथि मासि मोन्नाय डेलिबार स्विशसिनाखौ थोंजों सेटफोरव फेजेनानै चेन्नाइ अपेन टेनिस टुर्नामेन्टनि फाइनालाव सौहैबाय। नैथि रेंकिनि नागलआ 21 बोसोर बैसोनि चेक रिपब्लिकनि बादायारिखौ 2 घन्टासिमसो सोलिनाय मेचआव 6-3, 6-4 स्करजों फेजेन्दों। फाइनालाव बिथाड जौसिन मासि मोन्नाय इटलीनि लुका नारडिजों मोगा-मोगि जालायगोन। 20 बोसोर बैसोनि नारडिआ बेनि सिगां



3 घन्टासिम सोलिनाय मारथन बादायलायनायाव चीना ताइपेनि बादायारि चुन सियेन ल्सेंखौ 6-4, 4-6, 7-6(6) स्करजों

फेजेन्दों। हौवाफोरनि जावजा बादायलायनायनि फाइनालाव साकेत माइनेनी आरो राम कुमार रामानाथनआ गावनि हादरनि

रित्विक बल्लीपल्ली आरो निकी पुसानाखौ 3-6, 6-3, 10-5 स्करजों फेजेन्दों हादों। □

राम कुमारआ बेंगालुरु अपेननि थाखाय वाइल्ड कार्ड मोन्दों



गोदान दिल्ली, 11 फेब्रुवारी: भारतनि नैथि सावसिन थाखोनि गेलेगिरि राम कुमार रामानाथननो 12 फेब्रुवारिनिफ्राय जानो गोनां बेंगालुरु अपेननि हासि बादायनाय केटेगरिनि गाहाइ

इआव वाइल्ड कार्डजों हाबनो होनाय जाबाय। बिथाड बावैसो सान सिगां पाकिस्ताननि हेंथायै डेभिस काप टाइआव भारतीय हान्जाखौ दैदेन्दोंमोन। नाथाय बेयाव सोलिबाय थानाय चेन्नाइ

एटिपि सेलेन्जार्सनि गिबि राउन्डआव जेन्दोंमोन। राम कुमारनो नख 'रारि कर्टआव मोजाडै दिन्थिफु'नो खाबु होनायजों वाइल्ड कार्डनि खाबुखौ होदों। मख 'नो गोनांदि, बिथाड खेब 7 एटिपि सेलेन्जार्स सार्किटनि हासि केटेगरिनि फाइनालाव सौहैबाय। बिथाड 2021 नि नभेम्बर दानआव मनमानि भेरिनआव गावनि मोनसेल' बिमुंखौ देरहादों। मख 'नो गोनांदि, राम कुमारआ बोसोरनै सिगां बेंगालुरुआव हादरनि थाखाय हादरनिनो गेलेगिरि साकेत

माइनेनीजों गावनि 7 थि आरो जोबथा जावजा सेलेन्जार बिमुंखौ देरहादोंमोन। वाइल्ड कार्डनि गेजेरजों गावनो खाबु होनायनि सायाव रामानाथनआ गोजेननाय फोरमायदों। जायनि थाखाय बिथाड गावनिफ्राय बेंगालुरु अपेननि थियारिथिखौ फोरमायो। बे समाव बिथाड बेंगालुरुआव गावनि दिन्थिफु'नाय जारिमिनखौ फोरमायनानै बेनि कर्टआव गावनि गोसोखांथि सान थाबोनायखौ फोरमायनानै साबसिनै दिन्थिफु'नो नाजागोन। □

जोमै

मुसि मिथिगा गयारी

सोमखोर गाबनि अखोरानि सायाव सागलोबनानै थायो नों, बोथोर लानानै नोंनि महरा सोलायो, साननि बिदुंखौ दाखोर-दालाफोरनि दैआ खफ'आव महर सोलायनानै नोंजों लोगोसे गोरोबनानै थाफाहैयो। नोंजों सम सम अखा महराव फेफायो।

नों एखनब्ला बुहुमनि बिखायाव गिसिसे अखा खोख्लैयो एखनब्ला नुजायो एखनब्ला नुजाय नोंखौ गाहायनिफ्राय नायहरोब्ला जोबोर समायना नुहरो। नाथाय नोंनि महरा मा बायदि जों खाथियाव नुनो मोना दावसिन दावला फोरानो नोंनि सेर सेर बिरथिबायो। सार अन्थाय, बारहुंखा नोंनि महरा नोंनो बुहुमनि मानसिफोरखौ फोथांनो लाखियो। सार-अन्थाय बारहुंखा महरब्लाबो नों जोबोद अनसुला।

रंजालि गथ'फोरनि सौरा

गोरोबनै खन्थाइ

जेबोला जाफुड आसा जानांगौ जायो निरासा

फैमाल मिजिनि फोरमायथाय जारौलिन खन्थाइ रेबनाय

माबा मोनसे खामानि माव रां फैनो नोंनि आखाइयाव

मुखुबथि थाग्रा मानसिया दुखु साननो बिलि गैया

सुबुं जिउवाव बांग्रि खबा मालाबा नख मालाबा

बिलिरा लासे थाथारा बे हले नंखाय नंथारा

-रैदोम बर', माजदिया, बगुलामारि, बाक्सा

गोदान आबहावा

मुसि सनिराम बसुमतारी

हायरे ! बे मुगायाव संसारनि बोहैथि दैया मासेबां गुबुंले, थरथिसे गोगो नागिरनानै मोननो गोब्राव; आनान ग'साइयाखि गुबुंले दैजों खुसि जागोन, बेफोर दैखौ लोंब्लाखि सुबुंनि देहाया गोखों जागोन। बेखायनो नामा बे जिउआ थोजासे आदार मोनजायै, गावनि बिगोमाजों नायस 'नजायै बेगेंजों बिगुरजों जानाय लामानि सैमा फाखि!! आंखों सोर जोनोम होयामोन आं मिथिया, आंनि आफाया मा बायदिमोन आं सिनाया; खायसेबा बुडे-आंलायनो माइवारिनि फिसाज्ला, आरो खायसे बुडे-आंलायनो मोब्लानि मोखांसे नाथाय दिनें आंदि मोदाय गथ'(Basterd) ! मालाय बिजय, पिंकि मोनहा बिमानि आहार मोनजानानै देरदों, मालाय बिफानि फाफिलयाव गाखोनानै गराइ दाब्रायानो मोन्दों; थेवबोदि बिसोरनि आंथि-आखायफ्रा मोनिया, बिसोरनि बिखाया लांदां एलबाम। गोगो दै नागिरब्लाबो मोनैयाव आं आनान ग'साइखौनो सिबिनो हाया जाबाय, देहायाबो लोरबां-थोरबां जाबाय, खुगायाव आवरायो फेथेर-फेथेर आर 'ज गोसोयासो थिर नड मानोना आनान ग'साइयाबो खेवसेखौ खोनासड, बिनि खोमायाबो सोरबा रां कुबीरजों थुलासो माथु जाबाय नामा! नाथाय दाबो दावखायादि फुराखै, दावब 'यादि गोसोम गाब गायखै दैयाबोदि साहाथिं बोहैयाखै।

जिउनि गोरोन्थि

आंनि हास्थायनाय लुबैनाय जिउ साजा लाबोयो आंनि साननाय हनाय, जिउनि गोरोन्थि लाबोयो आंनि मोजां मोननायाबो फैमाल जालांबाय, बे जिउआ खालि गोरोन्थिखौल दिन्थिदों एखनब्ला गाबनांनय एखनब्ला मिनिनांनय बे आंनि जिउ दान्दि सेआ, बयबो आंखौ बुडे जाम्बा-फागला बयजोंबो आडे नासयजानाय मुमै जानाय आंलाय। मानि थाखाय आंखौ बयबो आंनि जिउखौ साजा होबाय थायो आं सानसोनो हाला। बे आंनि जिउनि गोरोन्थिखौ माबोलादि मा जाहैगोन बे जोनोमआव।

मुसि थिनिगा बहम गासि डालवाबादि जिल्ला-कक्राझार, (बड लेण्ड)

दोनै लिमारिक

गैया दिनेंनो न'खराव एना-एनिजों खौसेथि फालिनो हाया समाजनि नेम खांथि थगायसुलाया बांद्रायबाय दुगामारायाव गोजावबाय गोमालांबाय गावजों-गावनि गेजेराव फोथायथि।

इयुन जोलैनि समाज थासारियाव सिलिंखार जादों गुबुंले बारहावानि गोहोमाव सान-हर बाइक साखावनाय बिमा-बिफानाव रां दाबिनाय मुखुबथारसै थांखि गैया दावबायनायाव।

निजोम बर' पशिसम पानेरि, अदालगुरि

गोजाम बिसिम्बिनि गोसोखांथिआव

दिनें जोबथाबाय लामा आगान संनाय खामब्रें जानाय आथि सौथुयो लामानि अन्थाइ

गिसि गालांनय लैथोनि हाब्रांआव आंदि थुबथेंना दं सलादें जाना

रोहो-रोहो खामनाय बिखानि दावदाबफोरा अरदाब गुदिनि सेराव गावखौ हांनो दोनना गोजाम बिसिम्बिनि गोसोखांथिखौ खुथार-खुथार नाजासेआवबो महर होनो हाया

समनि फैसालिखौ सोहोर नायदिं नायदिं जोखोबनोबो बुब्लिआ थिना! सम जिउ आरो हां थाबथाना सिमानि खैसारखौ देबोर फोनांडे।

आवसारि गोसोनि मोन्दांथिखौ खोमाना फारनै गुस्थिनि मिनाय दा मोजांयैनो नुयो नाथाय आवबा नांनय गोरोबनि सानसिआ दा निलामाव थांबाय आं दा सोहोर गिदिबोना लाइथनि जोंथिजों आन्दायना दं गिदिलानो हागोन आं माब्ला!

अनजालि सर्गियारि बाक्सा

हंख्वायो

थरायना रसिम गयारी

नों अनजालुखौ आडे खालामबाय बे जोनोमाव आलाइ सिलाइ अनानै नों आंखौ निमाहा होदो आंनि आनजाद नायनायाव नोंखौ हमनो हाबाइदि थारैनो नोंडे गोसो गोबोंजों मोजां मोनो आंखौ। नोंनि नायनाइ नोंनि जंखायनाय नोंनि फाव फेसनफोरानो फोरमायबाय आंखौ नों मोजां मोनो होन्नानै। नों जानाय नडमोन खोमा आंनि फारसे एसेबां मोजां मोन्नाय-जुदि आडे नोंनो दंखायो होन्नानै सिगांडवनो फोरमायखायो मोनबा, सानानै लाबाय गोरोन्थिया दाबो आंनि। नों मालाइ माखौथो एसेबां मुहिनी नांखो आंनि माबेखौ लानानै-गैया आंहा एसेबां समायना महर। गोसोआव गोरोन्थि सानानै दालासै नों अनजालुआ आंनि फारसे-नाथाइ; आं लुबैयो नोंखौ लामा-सामा लोगो मोनोबा रायदावजानो, गोरोन्थिखौ गोरोन्थि साना लासिनो बेनो आंनि आरज नों अनजालुनाव। जुदि, आंहा गैथायामोनबा बजबगौमोन नों अनजालुखौ अरायनि-होगौमोन आं नों अनजालुनो आंनि बिखानि थार अन्नाय मोजां मोन्नाइ। राहा गैया आंहा दिनें नोंखौ नेउसिनारयनि अनगाये जेबो। फेंगौ जोनोमाव लोगो मोनलाइथों आडे बेखौनो आसा मिजिं थिना थानोसै नों अनजालुखौ।

(□ 1 बिलाइनिफ़्राय)

गुरुनि दर्शन, बिबुंथि आरो आदर्शजों श्रीमन्त शंकरदेब संघआ बुर्लुबुथुर दैमा बादि मोनसे..

हारिखौ दाफुंगिरि गेदेमा महापुरुष श्रीमन्त शंकरदेबनि समाज-थुनलाइ, आरिसु-धोरेम-हारिसुखौ फोसावनाय आरो फोसावदिंनय सान्स्थीनि गेदेमा थांखि लानानै 1930 माइथायाव ननावनि पत्तासर्नीयाव गायसनजानाय श्रीमन्त शंकरदेब संघआ गावनि नोजोर आरो थांखियाव थोंजों सान्नाय-हनायजों सिगांलानो हादों होन्नानै बिथाड खगोसे बुंदोंदि, श्रीमन्त शंकरदेब संघआ दिनेँ असमीया हारियारि जिउनि मोनसे गोजू थाखोनि गेदेर आफाद जानायर' नड, गुरुनि दर्शन, बिबुंथि आरो आदर्शजों जोलेनि उनाव जोलेसिम थंनायनि बिथिडव बुर्लुबुथुर दैमा बादि मोनसे अरयसम बोहैबाय आनाय गुथाल जानानै थादों। गिबि मन्थ्रिआ बुंदोंदि, महापुरुष श्रीमन्त शंकरदेबनि सैथो-गोथार-सनातन धोरोमनि आदर्श आरो गुरुनि आध्यात्मिक, नेमखान्थियारि, समाजयारि, हारिसुवारि आरो गेदेमा सुबुंथिनि आदर्शजों सुबुंफोरनि गेजेराव फोसावदिंनय सान्थौखौ आजावबोनाय श्रीमन्त शंकरदेब संघनि मोनसे गोनांथार बिथिड खजाब, संघनि गुदि थाखोयाव थानाय गोख्रों आफादयारिस बिथ'। संघनि गिदिर आदर्शनि फारसे मोजां मोन्नानै दिनेँ युबुन गुबुन हारियारिजों लोगोसे सा-सान्जा आरो हादतनि गुबुन गुबुन ओन्सोलयावबो बेनि बेंखन सोरगिदिं सिमाया गोसारदों। ७ शर्मांआ बुंदोंदि, जायखि-जाया मोनसे आफाद एबा फसंथाननि गेदेमा थांखिया खामानि मावनायजों जाफुंसारो। गायसनजानाय समनिफ़्राय श्रीमन्त शंकरदेब संघआ रइज्योनि हारियारि जिउसिम जाय बिहोमा होलांदों बेयो थारैनो सैथोजों बुंफबनाय।। गुरुनि आदर्श आरो खामानि मावनाय सान्थौयारि सान्नाय-हनायनि गेजेरजों फोसावजायै बे थांखिजों आफादआ आथिखालसिमाव संदान्नाय बिजाबजों लोगोसे हिन्दी, इंगरजी, बांग्ला बायदि गुबुन गुबुन रवआव 100 निखुइबो बांसिन बिजाब दिहुन्नाय खामानिखौ साबायख'र बाउनानै बिथाड बुंदोंदि, डिमासा, कार्बि, नेपाली, मिसिं, तिउवा, बर' रवआव कीर्तनघषा, नामघषाजों लोगोसे गुबुन गुबुन आयदानि बिजाबखौबो संघयाव दिहुन्दों। बेबायदिनो श्रीमन्त शंकरदेब बिद्यालय मुंजों गुबुन गुबुन जायगायाव सोलोंथाय फसंथान गायसन्नायजों संघआ सोलोंथायारि बिथिडवबो बिहोमा होबोदों होन्नानै बिथाड बुडे। गुबुन फारसे गोजू सौलोंथाय फोसावदिंनयनि थांखिजों संघआ गायसन्नाय महापुरुष श्रीमन्त शंकरदेब मुलुगसोलोंसालिया आथिखालाव रइज्योनि गोजू सौलोंथाय खन्दोयाव मोनसे मान गोनां सोलोंथाय फसंथान महरै मिबथिजादों होन्नानै गिबि मन्थ्रिआ सोलोंथाय मन्थ्रि महरै गावनि माव बिबान समाव बे मुलुगसोलोंसालिनि बिलआ आसाम बिधान सभायाव गनायथि जादोंमोन होन्नानै मख'यो। गुबुन फारसे गोदान जोलैखौ गाव गसंथा होनाय एबा गाव सोनारनो हानाय महरै सोर्जिनयनि थांखिजों श्रीमन्त शंकरदेब संघ 'ट्रि्ट एन्ड क्रिडिट क-अपरैटिभ ससाइटि' दनाय खामानिखौ साबायख'र बाउनानै गिबि मन्थ्रिआ बे ससाइटिनि रइज्यो सरकारनिफ़्राय केपिटेल धोन रं थुबिल महरै 3 कीटि रं गथायनायनि बाश्राखौ फोसावना होयो श्रीमन्त शंकरदेब संघनि बेबायदि गेदेर आरो थांखिबां खामानिया दिनेँ बे आफादखौ मोनसे आलादा थासारिसिम लाबोदों होन्नानैबो बिथाड बुडे। गिबि मन्थ्रिआ दान्थे-बिदान्थेजों गेजेरव थानानै श्रीमन्त शंकरदेब संघआ 93 थि जथुम्माखौ जाफुंसारै खुंनयनि थाखाय बान्जाय आफाद आरो सिबियारि रइजो-राजाफोरखौ साबायख'र बाउयो। गिबि मन्थ्रिआ गावनि बिबुंथियाव संघनि 100 थि जथुम्माखौ गेदेर थासारियाव गुवाहाटीयाव खुंनयनि थाखाय सान्नो संघनि बिबानगिरिफोरखौ खावलायो। दिनेँनि हाबाफारियावनो गिबि मन्थ्रिआ महापुरुष श्रीमन्त शंकरदेब आरो महापुरुष श्रीश्री माधबदेबनि गेजेरजों सोर्जिजानाय आदिकान्ड आरो उत्तरखान्ड रामायणनि समिक्षात्मक अध्यायन मुंनि बिजाबखौबो बेखेवना होयो। दिनेँनि बे हाबाफारियाव सुबुं देहा कारिकरि बायदि बिफाननि मन्थ्रि जयन्त मल्ल बरुवा, रइज्यो सभानि एमपि भुबनेश्वर कलिता, जायगानि एमएलए आरो बिजेपि आसाम प्रदेशनि आफादगिरि भवेश कलिता, एमएलए दिगन्त कलिता, श्रीमन्त शंकरदेब संघनि बिबानगिरि भवेन्द्रनाथ डेका, बोसोनगिरि कमलाकान्त गगै, गाहाइ नेहाथारि कुशल ठाकुरिया, लेडइ बिबानगिरि चक्रधर सनवाल, बारग' बिबानगिरि रजनीकान्त दत्त, बारग' गाहाइ नेहाथारि बाबुल बग, हाइब्राबानि जर'खा सोलोंथायगिरि माधबीलतामोनजों लोगोसे माखासे मान गोनां सुबुंफोरा बाहागो लाफेदों।□

चिरां जिल्ला बिजेपि माइन् रिटि मर्चानि गाहाइ नेहाथारि नाजमिना बेगमआ बिपिएफ दोलोआव ..

आसाम आरो बिटिआर हालामावबो बिसायख'थिनि बारआ गोख्रोडे बारगासिनो थानायखौ नुनो मोन्दों। बेबायदिनो लकसभा बिसायख'थिखौ मिरु खालामनानै दासान्दि बिटिआरनि मोननै गोहो गोर ओन्सोलारि रजखान्थि दोलो इउपिपिएल आरो बिपिएफनि अनगायैबो बिजेपि, कंग्रेस आरो माखासे रजखान्थि दोलोफोर फैबाय थानाय खुंजानो गोनां लकसभा बिसायख'थियाव गाव-गावनि बिजाथिफोरखौ देरहासार जाहोनांगीनि थाखाय रइजो-राजाफोरखौ लानानै बायदि रोखोमनि मेल, सुबुं गौमा हान्जा सुरनाय हाबाफारि लागासिनो थादों। लकसभा बिसायख'थियाव देरहानायनि मिजिं लानानै गुबुन रजखान्थि दोलोनि दैदेनगिरि आरो मावथिफोर गुबुन मोनसे रजखान्थि दोलोआव हाबनाय आरो ओंखारनायनि थासारियाबो दासान्दि बिटिआरनि रजखान्थि फोथाराव सोलिबाय थानायखौ नुनो मोन्दों। बेबायदिनो दिनेँबो चिरां जिल्लानि बिर्जेपि माइन् रिटि मर्चानि सासे दैदेनगिरिआ बिजेपि नागारनानै बिपिएफ रजखान्थि दोलोआव जइन जानायखु नुनो मोन्दों। चिरां जिल्ला बिजेपि माइन् रिटि मर्चानि गाहाइ नेहाथारि नाजमिना बेगमआ दिनेँ बिपिएफ रजखान्थि दोलोआव जइन जाफेयो। नाजमिना बेगमजों लोगोसे सा 31नि बांसिन बिजेपि आरो इउपिपिएलनि दैदेनगिरि-मावथिफोर दिनेँ चिरांनि सामथाइबारियाव थानाय बाथौ केरइ रिजर्टआव बिपिएफनि आफादगिरि हाग्रामा महिलारिनि नुजाथिनायाव जइन जाफेयो। बिर्जेपिआव थानानै रइजो-राजाफोरनि थाखाय जेबो अन्साइलु खामानि मावनो खाबु मोनेनि थाखाय बिपिएफ दोलोआव जइन जाफेदों होन्नानै फोरमायथियो नाजमिना बेगमआ। लोगोसे बिथाड हाग्रामा महिलारो दैदेन्नाय बिपिएफ दोलोखौ बाख्यानानै बिपिएफ रजखान्थि दोलोआ बिटिसिआव थानाय गासै हरि-माहारिनि थाखाय समान जौगाथाय आरो अन्साइलु खामानि मावबोदों होन्नानै फोरमायथियो। फैबाय थानाय समाव बिपिएफ रजखान्थिनि जानानै रइजो-राजाफोरनि थाखाय खामानि मावलांनो रजि होन्नानै फोरमायथिवावो बिपिएफआव जइन जाफेनाय नाजमिना बेगमआ।□

कक्राइार लकसभा बियाबआव कंग्रेस ...

आसाम प्रदेश कंग्रेस कमि्टिनि गाहाइ नेहाथारि गर्जन मुसाहारिआ। लकसभा बिसायख'थिनि थाखाय कक्राइार बियाबआव कंग्रेस दोलोनिफ़्राय गावनि टिकेट मोन्नाया रोखा जागोनखौ फोरमायदों गर्जन मुसाहारिआ। दिनेँ कक्राइारआव थानाय कंग्रेस मावखुलियाव मोनसे खौरंगिरि मेल खुंनयनि गेजेरजों एपिसिसिनि गाहाइ नेहाथारि गर्जन मुसाधारिआ आसामनि गुबुन सुबुन दोलोफोरजों लोगोसे कंग्रेस दोलोआबो रइज्योनि गासै बियाबफोराव बिसायख'थि गेलैनो गाखा-फारा जानायनि सोमोन्दै फोरमायथिदों। बिथाड फोरमायदोंदि, बिटिसिनि रइजो-राजाफोरनो बे खेबआव इउपिपिएल, बिपिएफ आरो नब' कुमार शरनियानि गोनांथि गैलिया। बे समाव बिटिसिनि रइजो-राजाफोर गर्जन मुसाहारि आरो कंग्रेस दोलोनिसो गोनांथि दसै। मानोना इउपिपिएल, बिपिएफ आरो बिजेपि दोलोआ रइजो-राजाफोरनि हास्थायनाय बायदियै खामानि मावाखै। रइजो-राजाफोरखौ रेहाय होनायनि सोलायै मुवा-बेसादफोरनि बेसेन बांहोनानै सरसनस्त्रा रइजो-राजाफोरखौ बिजेपि दैदेन्नाय सरकारआ जेंनायाव खोख्लैदों। बे खेबआव इउपिपिएल आरो बिजेपिआ जेसेबांखि रानि गोहो बाहायामानो लकसभा बिसायख'थियाव देरहानांगौआ गोत्राब। बिदिन्थि महरै 2014 आरो 2019 माइथायाव नब' कुमार शरनियाआ दिनेँ गोहो गैयाब्लावो रइजो-राजाफोरनि अन्साइनायजों भट मोन्नानै देरहासार जानो हादोंमोन। नाथाय थंनाय 10 बोसोराव नब' कुमार शरनियाआ रइजो-राजाफोरनि लुबैनाय आरो हास्थायनाय बायदियै जेबो खामानि मावनानै होनो हायैनि थाखाय दिनेँनि सानआव नब' कुमार शरनियाखौ रइजो-राजाफोरनो गोनांथि गैलिया। दिनेँनि सानआव रइजो-राजाफोरनो गर्जन मुसाहारि आरो कंग्रेस दोलोनि गोनांथि दसै होन्नानै आसाम प्रदेश कंग्रेस कमि्टिनि गाहाइ नेहाथारि गर्जन मुसाहारिआ फोरमायथियो। बिथाड फोरमायबावदोंदि, बावैसो सान सिगां दिल्लीआव थंनानै कंग्रेस दोलोनि गोजू थाखोनि दैदेनगिरिफोरजों गुवारै सावरयज्ज्नायनायनि गेजेरजों कक्राइार जनजाति लकसभा बियाबआव गावनि टिकेट मोनगोनआ रोखा जानायखौ खौरंगिरि मेलनि गेजेरजों फोरमायथियो। मख'नो गोनॉदि, थंनाय माखासे दान सिगां कक्राइार लकसभा बियाबखौ लानानै गोदानै कंग्रेसआव जइन जानाय प्रबिन बर' आरो गर्जन मुसाहारनि गेजेरव दावराव-दावसि जानाय नुनो मोन्दोंमोन□

उर्खाव गोरा ब्रह्मआ श्रीश्री गनेश मन्दिर ...

राजाफोरनि नुजाथि फैनायाव बे गनेश मन्दिनि दरजाखौ बेखेवनानै होयो आसाम सरकारनि केबिनेट मन्थ्रि, साहित्य एकाडेमि बान्था मोन्नाय थुनलाइगिरि उर्खाव गोरा ब्रह्मआ। बेखेवनाय हाबाफारियाव आलासि महरै बाहागो लाफेयो बिटिआरनि ककलाबारि बियाबनि एमसिएलए मन्तु बर'आ। बेनि अनगायैबो बेखेवजानाय श्रीश्री गनेश मन्दिराव गनेश अबंगसाइनि मुसुखा गायसनाय जायो। मख'नो गोनॉदों, फेगुं 13 फेब्रुवारीयाव नबदिहिरा गामिनि बे मन्दिरनि लांगोनायाव गेदेर हाबाफारिजों श्रीश्री गनेश फुजानि सनाथि माइथाय फोबोंखौ खुंनय जागोन। श्रीश्री गनेश मन्दिरखौ बेखेवनानै मन्थ्रि उर्खाव गोर ब्रह्मआ धोरोमयारि, हारिसुवारि, आध्यात्मिकनि सायव बिबुंथि लाखियो।□

अगपनि गागि दैदेनगिरि एमएलए फनिभुषन चौधुरीआ ..

फाहामथाय लानांगासिनो दइ। बिथाड खिखानि बेरामजों नाखेबजानानै दासान्दि फाहामसालियाव थिसनजानानै दइ। बिथांजों लोगोसेनो अगपनि एमएलए रेनुकुमार राजखवाआबो लोमजानानै दइहोन्नानै मिबथिनो मोन्नाय जादों। फनिभुषन चौधुरीआ बडइगाव बिधान सभा बियाबनि अगपनि एमएलए महरै बिसायख'जानानै दइ। बिथाड सिगां समावबो देहाया गांजि जानानै गुवाहाटीनि खानापारायाव थानाय हेल्थ सिटि फाहामसालियाव थिसनजानो गोनां जादोंमोन। मख'नो गोनांदि, बिथाड 1985 माइथायनिफ़्राय आसाम बिधान सभायाव लान्थ्रियै 8थि खेबनि थाखाय बडइगाव बियाबनि जानानै एमएलए जाबाय थानायनि आलादा रेकर्ड दइ। फारसेथिं, बिथाड 2018-2021 माइथायसिम सर्बानन्द सनवालनि गिबि मन्थ्रि सामलायनाय समाव मन्थ्रि आफादयाव आसाम सरकारनि आदार आरो सिभिल जगयथाय आरो बाहायगिरि पक्रिमा, पेन्चन आरो रइज्योयारि अजद मन्थ्रि महरै बिबान सामलायबोदोंमोन।□

दिनेँ बिधान सभायाव रांखान्थि मन्थ्रि अजन्ता नेउगआ बाजेट..

एमएलए पुर्कायष्टआ। फारसेथिं, रजखान्थियारि बाश्रा-आबहवावि रुजुनायाव सरसनस्त्रा रइजो-राजाफोर बाजेटखौ लानानै गोबां हास्थायनाय मिजिंथिनाय थायो। हाथाय बाजारव बायदि रोखोमनि आदार मुवा-बेसादफोरनि बेसेना बांनयखौ नुनो मोन्नाय जादों। बेबायदि समाव बाजारव सरसनस्त्रा सुबुंफोरखौ रेहाय होनो सरसनस्त्रा सुबुंफोरा खावलायदों। बेसेन बांनायनि थाखाय जिंगासिनायजों मोगा-मोगि जानांदों सरसनस्त्रा रइजो-राजाफोर। बेबायदि समाव बेसेन बांनयनिफ़्राय सरसनस्त्रा सुबुंफोरखौ रेहाय होनो सरसनस्त्रा रइजो-राजाफोर बोसोन होदों। हाथायव पेट्रल-डिजेल आरो खाम मुवा जाथोनि मुवा-बेसादिनि बेसेन बांनयखौ बाडइ खालामनो अट' सालायगिरिफोर खवलायदों। बेबायदिनो सरकारआ बोथिनैयाव खबनै जानानै थंना थानाय सुबुंफोरनि बाश्राखौ सान्नोबो रइजो-राजाफोर खवलायहरदों। नाथाय बेनि गेजेरावनो खायसेया रइज्यो सरकारनि खामानि-दामानिखौ लानानै रोखा होन्नानै मख'दों। सरकारनिसिम बिसेर खायसे सुबुंफोरा खवलायदोंदि, आथिखालाव लुबाय थानाय-मावबाय थानाय खामानिफोरखौ मोजाडै सिगांलांहोनांगौ सरकारआ। बेबायदिनो रइज्यो सरकारनि 2024-25 बाजेटखौ लानानै गुबुन गुबुन थाखोनि सरसनस्त्रा सुबुंफोरनि बिबुंथि-फिनजाथाय होनायखौ नुनो मोन्नाय जादों।□

गुबुन गुबुन दोलोनिफ़्राय सा 5० निखुइ बांसिन सुबुंफोरा...

धरमपुर गामियाव खुंनाय दोलोयाव हाबफैनाय मेलयाव इउपिपिएलनि गाहाइ नेहाथारि समनाथ नार्जारीआ बाहागो लाफेयो गामिनि रइजो-राजाफोर इउपिपिएल दोलोयाव हाबफैनायाव गोजेन्नाय फोरमायथिनानै बुडोदि, थंनाय 17 बोसोरनाडै बिटिसियाव बिपिएफ दोलोआ खुंथाय सामलायनाय समाव गोजोन गैयै थासारिजों मोगा-मोगि जानानै दइमोन।

नाथाय बेबायदि थासारिया आथिखालाव गैलिया। भारत सरकार आरो आसाम सरकारजों 2020 माइथायनि 27 जानुवारीयाव प्रमद बर'नि दैन्नायाव मोनसे गोजोन रादायाव मुंसायलायनायनि उनाव बिटिसि ओन्सोलयाव गोजोन थासारिया फेदों। प्रमद बर'नि दैदेन्नायाव इउपिपिएल दोलोआ सरकार दानायनि 3 बोसोरनि गेजेराव मोनसे जौगाखांनयनि थासारि सोमजिदों। थंनाय 17 बोसोर नाडै हाग्रामा महिलारीआ मावफुंनो हायै खामानिखौ 3 बोसोरावनो इउपिपिएल दोलोआ मावफु'दों होन्नानै बिथाडा गोग्लैसोनाय ओन्सोलनि जौगाखांनाय लाबोनायाव इउपिपिएल दोलोआ बिबान दइ होन्नानै बुडे।

जमदुवार ब्लक इउपिपिएलनि आफादगिरि निपेन्द्र बसुमतारिनि सामलायनायाव खुंजानाय दोलोयाव हाबफैनाय मेलयाव गसाइगाव ब्लक इउपिपिएलनि लेडइ आफादगिरि लकनाथ नार्जारीआ गामिनि लामा, फरायसालि, गोग्गो लोंग्रा दै, मोब्लिब बायदिखौ लानानै अरुनदय बिथांखिजों लोगोसे गासै बिथिडव जौगाखांनयनि सार्थयाव इउपिपिएल दोलोखौ गोख्रों खालामनो थाखाय खावलायो। दोलोयाव हाबफैनाय मेलयाव इउपिपिएलनि गसाइगाव जिल्ला आफादिनि गाहाइ नेहाथारि आइनाल हकमोनजों लोगोसे टिसिएलसिसिनि लेडइ आफादगिरि नितुन्जय बसुमतारि, चन्दन नार्जारी, रबिन तुदु, अनिल तुदुमोनजों लोगोसे माखासे मावफारियाफोर बाहागो लाफानानै गोदानै इउपिपिएल दोलोयाव हाबफैनाय सुबुंफोर (हौवा-आइजो)खौ दोलोनि सिनायथि सावगारिजों दोलोयाव गोसो गोबोंजों बरायो।□

बर' कछारि अन्साइ गावहायुंआरि खुंथाइनि बान्जायनायाव 3थि...

सा 12 रोजानिखुइबो बांसिन रइजो-राजा सिबियारिफोरा बाहागो लादों। मख'जाथावदि, दिनेँनि बे हाबाफारिआव बाहागो लादोंमोन बर'कछारि अन्साइ गावहायुंआरि खुंथाइनि गाहाइ मावफुं सोद्रोमा मिहिनिस्वर बसुमतारि, लेडइ गाहाइ मावफुं सोद्रोमा र'मिअ नार्जारि, खौसेथि बर' सुबुं आफादिनि आफादगिरि मनुरन्जन बसुमतारि, गाहाइ नेहाथारि पिताम्बर ब्रह्म, बर' कछारि अन्साइ गावहायुंआरि खुंथाइनि बुंथिगिरि अनिल बसुमतारि, बिकेडब्लिउएसिनि इ.एम बिनुद बसुमतारि, एमएंसिनि इ.एम मलेन्द्र नार्जारि, खौसेथि बर' सुबुं आफादिनि बोसोनगिरि सुखेस्वर गयारि, लेडइ बुंथिगिरि जनाराम ब्रह्म, बिटिआर बाइजोनि बारग' एनडिएफबिनि आफादगिरि धर्मस्वर बसुमतारि, आजिरा मोनाइ फोरोंगिरि ललित चन्द्र बर', सानजारां लक्षेस्वर बान्था आरो जोहोलाव निलेस्वर ब्रह्म बान्था मोनगिरि बिरेन्द्र कुमार ब्रह्म, एलडिसि एक्स-बिइएलटिडब्लिउएसनि आफादगिरि सानसुमा बसुमतारि, बिटिआर बाइजोनि एक्स-बिइएलटिडब्लिउएसनि गाहाइ नेहाथारि बिस्त्राम नार्जारि, जनाइ आइटिडिपि बर्डनि मासिगिरि फैलाव मोसाहारि बिथांमोनजों लोगोसे बे हाबाफारियाव बिकेडब्लिउएसिनि गासैबो सोद्रोमाफोर आरो बर'नि माहारियारि आफादिनि दैदेनगिरि आरो धेमाजि जिल्लानि गोबां रइजो-राजाफोरा बाहागो लायो।□

3थि माहारियारि बरपेटा बिजाब आरो बिज्ञान मेलाखौ राइज्यो बेंगिरिया बेखेवदों

रायथाइ लिरनानै बेसेन गोसा बिहोमा होबोदों बिथांमोननिसिम साबायख'र जासियो। जॉनि हादतनि बांसिन हारिसु, दोरोडारि आरो आसारखान्थिफोरखौ बिजाब फरायनायनि गेजेरजों गियान मोन्नो हायो। रइज्यो बेंगिरिया बुंवावोदि, सुबुं समाजआव गियान जगायनाय आरो जर'खायै फरायसाफोरखौ गियान बांहोनायनि थाखाय बिजाब आरो बिज्ञान मेलाया मोनसे गोनां बाहागो। बांसिने बिज्ञानआरि गियानखौ बिजाब मेलाफोर खुंनयनि गेजेरजों फरायसाफोरा आवथायनानै लानो हायो। बिजाब मेलाया सुबुंफोर जर'खायै फरायसाफोरखौ बिजाब फरायनायनि बिथिडव बांसिने थुलुगा होयो। बिजाब आरो बिज्ञान मेला खुंनयनि थांखिया फरायसाफोर आरो सुबुंफोरखौ बिजाब फरायनायनि हुदा बांहोनाय, बिजाब फरायनायनि गेजेरजों गियान बांहोनाय जानांगौ। आंहा फोथायनाय दंदि, बेबायदि बिजाब मेलाया लाइमोन फरायसाफोरनि गेजेराव बिजाब फरायनायनि हुदाखौ बांहोगोन। आथिखालनि बिज्ञानआरि मुगायाव बिजाब फरायनायनि गेजेरजों जॉनि लाइमोन फरायसाफोरा गावसोरखौनो गियानि आरो सुबुं सम्पद महरै गायसन्नायाव हेफाजाब मोन्नो हायो। रइज्यो बेंगिरिआ बुंवावदोंदि, बिजाब आरो बिगियान मेलाया मोनसे हाबाफारिल' नड, बेनि गेजेरजों मेलेम जिबियारि, सान्थौगिरिफोरनि थाखाय सावरायलायनायनि मोनसे फोबोंबो। साफ्रोमबो फरायसाफोरानो बिजाब फरायनायनि हुदाखौ आजावनानै लानांगौ आरो बिजाबनिफ़्राय गोनांथि बायदियै गियानफोरखौ बुधुमनानै लानांगौ होन्नानै रइज्यो बेंगिरिआ खावलायबावो।

आथिखालनि बिगियान आरो बिरोंदामिन मुगाखौ रायखंनानै रइज्यो बेंगिरि काटरियाआ बिगियान आरो बिरोंदामिन गैयाब्ला आथिखालाव दरसे हादतआ जौगानो हाया होन्नानै फोरमायो। दरसे हादतनि रांखान्थियारि जौगानाया बिगियान आरो बिरोंदामिननि सायाव सोनारो। बेनिखायनो आथिखालनि इयुन जोलै लाइमोन फरायसाफोरा बिजाब फरायनायनि गेजेरजों बिगियान आरो बिरोंदामिननि गियानखौ बुधुमनानै लानांगौ। बे हिसाबै बिजाब आरो बिगियान मेलाया फरायसाफोरनि थाखाय मोनसे गोनांथार प्लेटफर्म महरै सान्नानै लाजायो।

गावनि बेसेन गोसा समखौ ओरैनो हगारा लासे बिजाब फरायनायै गियान आरजिनो थाखाय साफ्रोमबो फरायसाफोरखौ खावलायो बिथां काटरियाआ। आसामनि बरपेटा जिल्लायाव जोनोम मोन्नाय माखासे गेदेरमा थुनलाइगिरिफोर जैरै- अम्बिकागिरि रय चौधुरि, ड' बानिकान्त काकति, प्रसन्नलाल चौधुरिमोनखौ रायखंनानै बिथांमोननि सान्थौ आरो सानस्त्रिखौ उन संफानानै बिजाब फरायनायजों लोगोसे बिजाब लिरनाय आरो थुनलाइ सोरजिनायावबो गोसो होनो थाखाय रइज्यो बेंगिरिआ लाइमोन फरायसाफोरखौ खावलायो। दिनेँनि बे हाबाफारियाव रइज्यो बेंगिरिजों लोगोसे आसामनि मन्थ्रि रन्जित कुमार दास, आसाम सरकारनि सोलोंथाइ बोसोनगिरि प्रफेसार ननिगपाल महन्त, मुंदांखा थुनलाइगिरि अनुराधा शर्मा फुजारिमोनजों लोगोसे गुबुन गोबां थुनलाइगिरिफोरा बाहागो लादों।□

उदालगुरियाव गोदानै लामा लुफुंनो थाखाय अन्थाइ खाम्फा गायसनदों बि टि आरनि ...

खाम्फा गायसन्नानै होलायो बि टि आरनि गाहाइ मावफुं सोद्रोमा प्रमद बर'आ। बिथांजों लोगोसे बि टि आरनि लेडइ गाहाइ मावफुं सोद्रोमा गबिन्द चन्द्र बसुमतारि आरो इउ पि पि एल राजखान्थि हान्जानि गोबां दैदेनगिरिफोर आरो बरिगाव ओन्सोलनि मेलेमजिबि, गेदेमा, रइजो-राजाफोराबो बे बेखेवनाय हाबाफारियाव बाहागो लाफैनायखौ नुनो मोन्नो। खुंथाइ गोहोयाव फैयोब्ला ओन्सोल आरो हालामनि रइजो-राजाफोरनि जौगाथायनि थाखाय खोथा होबोनाय प्रमद बर' दैदेन्नाय बि टि आर सरकारआ बोसोरफ्रोमबो दरफ्रोमबो बियाबाव पि एन आर डि बिफाननिफ़्राय 20 आरो 25 किल मिटारनि लामाफोरखौ बानायफुंनाय जाबाय।

दिनेँ फिन बे लामाखौ आरोबाव बानायनो थांगासिनो दइ होन्नानै 69 न उदालगुरि बिधान सभा बियाबनि एम एल ए एबा बि टि आरनि लेडइ गाहाइ मावफुं सोद्रोमा गबिन्द चन्द्र बसुमतारिया फोरमायो। लोगोसे थंनाय सानखालि बि टि सिनि बरेखा हान्जा बि पि एफ दोलोआ थंनाय 2003 माइथायनि 10 फेब्रुवारीयाव जालांनाय बि टि सि गोरोबथा सानखौ दाब-दाब मिरु, जिल्ला, प्राइमारि थाखोआव 22 थि बड'लेण्ड सान महरै फालिफुंनयखौ नुनो मोन्नाय जादोंमोन। कक्राइारआव खुंफुंनाय मोनसे हाबाफारिनि गेजेरजों बि टि सिनि बारग' गाहाइ मावफुं सोद्रोमा हाग्रामा महिलारीया मोनसे खौरां बिबुंसारनि गेजेरजों दानि खुंथाइ सरकारनिंसिम बायदिसिना बाश्रा बुंनयखौ लानानै दिनेँ बिथां बसुमतारिया फिनजाथाय होनानै बुदोंदि, थंनाय 17 बोसोराव बि पि एफ राजखान्थि हान्जाया बायदि रोखोमनि मेला खुंनयनि गेजेरजों लाइमोनफोरखौ जौ लोंहोनाय, दैजिं मेलायाव गोथावसिन जौ संनाय बादायलायनाय खुंबोनयनि अनगायै लाइमोनफोरनि थाखाय जेबो सुबुं सम्पद दानो हानायनि थाखाय खामानि मावनायाव फेलें जाबोदों होन्नानै बुंनयजों लोगोसे थंनाय सानखालि बि टि आर गोजोन गोरोबथा जाखांनयनि उनावबो बि टि सि गोरोबथा सान फालिनाया जेबो ओंथि गैथि जादों होन्ना फोरमायोदि, बि टि सि गोरोबथाजों रइजो-राजाफोरनि आंखालखौ सुफुनो हायैनि जाउनावनो बि टि आर गोरोबथाखौ खालामनो गोनां जादों होन्नानै गुवारै फोरमायथियो एम एल ए आरो बि टि आरनि लेडइ गाहाइ मावफुं सोद्रोमा बसुमतारिआ।□

दुलाराय बाथौ गौथुमनि गोदान बिबानगिरिफोरा समाइखिरा लानानै बिबान आजावबाय

बाथौ गौथुमनि खुंगा 33थि थाम बोसोरारि जथुम्मानि गेजेरजों मिरु गौथुमनि सिडव थानाय गंग्रोमबो जिल्ला आफादफोरनि थांखि लानाय बायदियै गोजाम आफादखौ सिमफायनानै गोदान आफादखौ दाफुंनाय जादोंमोन। बे हाबाफारिनि गेजेरजों फैगौ थाम बोसोरनि थाखाय मिरु दुलाराय बाथौ गौथुमनि आफादगिरि महरै सभाराम बसुमतारि आरो गाहाइ नेहाथारि महरै गनेश दैमारिखौ सायख'नाय जायो। मिरु माइनाव आफादिनिफ़्राय आफादगिरि महरै अनसुमै खाख्तारि, गाहाइ नेहाथारि महरै सांग्रिलि बसुमतारि आरो लाइमोन आफादिनिफ़्राय आफादगिरि महरै राजेश बसुमतारि आरो गाहाइ नेहाथारियाव राजेन बसुमतारि बिथांमोनखौ थांखि लानाय बादियैनो सायख'नाय जायो। बेनिनो दिनेँ उदालगुरि जिल्ला हरिसिंगा बियाब दुलाराय बाथौ गौथुमनि गोथार बाथौ थानसालियाव सानसेनि हाबाफारिजों समाइखिरा लानाय आरो गोदान आफादनो बिबान गथायनाय हाबाफारिया जाफुंसार महरै जोबनानै थिडे।


बाथौ सिबियारि रइजो-राजाफोरजों लोगोसे बुहुमनि सुबुं माहारिनि मोजांखौ हास्थायनानै दिनेँ आफा बोराइ बाथौखौ साखि दोन्नानै समाइखिरा लानायजों लोगोसे फैगौ समफोराव बुहुमाव बाथौ दोहोरोमखौ फेहेरनो आरो सुबुनि गेजेराव मिबथि होनो थाखाय दिनेँ समाइखिरा लानाय जायो होन्नानै बिथां दैमारिया फैबाय थानाय समाव गोबां फुजा-मेला खुंनयनि मुडव जौ-जुवा बायदि गांजि हुदाफोरखौ फोसाबनायजों गासैबो जिल्ला दरख'रा आफादिनि मोनफ्रोमबो मेल-मिथिं बायदिफोरखौ सांग्राथियै खुंफुलांनाय जगोन आरो बिबान रुजुनानै गिबि सारियाव गोबां मावनो गोनां खामानि दंब्लाबो गाहायै गुवाहाटी नोगोरमानि आहमगावआव थानाय सा-सान्जा भारतनि बयनिखुइबो देरसिन बाथौ थानसालि लुफुंनाय हाबाफारिखौ नै बोसोराव आबुं लुफुंनाय खामानियानो बे थाम बोसोरनि थाखाय बिबान लानायनि गिबि हाबाफारि जगोन होन्नानै गावनि बेसेनगोसा बिबुंथियाव गुवारै बुंफोरना होयो गोदानै बिबान मोन्नाय मिरु दुलाराइ बाथौ गौथुमनि गाहाइ नेहाथारि बिथां गनेश दैमारिया। फुंबिलियाव बाथौ दोहोरोमारि गोथार बाथौ आर'जनि गेजेरजों जगायनानै जोबथा बुब्लिसिम गुबुन गुबुन ओन्सोल जिल्ला बियाब लोगोसे हरिसिंगा ओन्सोलनि लोब-लोब रइजो-राजाफोरनि मदद आरो हेफाजाबाव जाफुंसार जानायखौ दिनेँनि सानाव रोखा नुनो मोन्नाय जादों।□

बिटिआरनि लाइमोनफोरनि थाखाय अग्निबीरयाव थिसनथायनि सोलोंथाय होदों

जायो। अग्निबीर थिसन्थायनि सोलोंथाय होनायखौ दैदेन्दों कक्राइार सोहोरनि साखाथि तितागुरियाव थानाय 135 बि.एन.इ.टि.एफ. सान्थ्रि हान्जानि कामान्डेन्ट गौरब न्येगौआ। फारसेथिं कक्राइारजों लोगोसेनो उदालगुरि आरो तामुलपुरावबो अग्निबीर सान्थ्रि हान्जानि सिगांग्रो थिसनजानायनि सायख' बादा आरो सोलोंथाय बादाखौ खुंनाय जादों। बिटिसिनि लाइमोनफोरखौ अग्निबीरआ मोनसे खाबु होदों आरो दिनेँनि बादायाव लाइमोनफोरखौ अन्सायनाय नुनो मोन्नानै जोबोद गोजेन्नाय मोन्दों होन्ना बुडे सान्थ्रि बिबानगिरिआ। अग्निबीरनि गेजेरजों ब्रै बोसोरनि सम फारिलाइयाव साखि मावनानै गावनि जिउजों लोगोसे हादत सिबिथायनि थाखाय गावखौनो साखा-फारा जानो खावलायो आरो फैगौ सान

शाहरुख खाननि 21थि जौथायनि हिट सावथुनाव फाव खालामनाय फावखुंग्रिया हरखाबै गोमादोंमोन

गोबां स्टारफोर दं, जाय मोनसे एबा मोनने सावथुन खालामनायनि उनाव सावथुन मुलुगखौ नागरदोंमोन। दिने नोंथानो सासे फावखुंग्रिनि बागै खोन्थानो थांगसिनो दं, जाय मोनसेल' सावथुननि उनाव गावनि फावदिन्थिनय जिउ राहाखौ नागरदों आरो उनाव सासे फालांगियारिखौ हाबा खालामदोंमोन। बे समाइना फावखुंग्रिया 21थि जौथायनाय शाहरुख खाननि हिट सावथुनजों बलिउडआव आगान होजेननायनि उनाव फावदिन्थिनय जिउ राहाखौ बिदाय होबाय। फावखुंग्रि आरो मडेल गायत्री ज'शीआ गोबां सुबुंफोरा मिथियाबो जानो हागौ, जाय शाहरुख खाननि 2004 मायथाइनि सावथुन 'स्वदेस' आव नुजादोंमोन। गायत्री ज'शीआ बँ फावखुंग्रिफोरनि फारिलाइयाव सोफानाय जादों, जायफोरा हरसेनि गेजेरावनो जोबोद मुंदांखा जानो हादों। बबेखानि,



फावखुंग्रिया हरखाबै सावथुन मुलुगनिफ्राय गोमादोंमोन। फावखुंग्रि गायत्री ज'शीआ बलिउड सुपरस्टार शाहरुख खानजों लो गोसे सावथुन 'स्वदेस' आव गाहाइ फावखुंग्रि महरै खामानि मावदोंमोन। आशुतष गोवारि कर जों दिथाहोजानाय बे सावथुना 2004 माइथायाव फोसाव जादों आरो दासिमबो सावथुन जारिमिनाव बयनिखुइबो गिदिरिसिन सावथुनफोरनि गेजेराव मोनसे।

गायत्रीया भिकास अबेरय मुनि सासे फालांगियारिखौ हाबा खालामदोंमोन। भिकासआ मुम्बाइनि रियल एस्टेट कम्पनी अबेरय रियल्टीखौ सालायो। गायत्री जशीनि सावथुन 'स्वदेस'खौ शाहरुख खाननि केरियारनि बयनिखुइ साबसिन सावथुनफोरनि गेजेराव साननाय जायो आरो बेयो बिथानि

केरियारनि गिबिसिन आरो जोबथा। बेनि उनाव बिथानोआ माब्लाबाबो फँ सालियाव नुजायाखे मोन। 'स्वदेस'खौ दासिमबो कल्ट-कलासिक सावथुनफोरनि फारिलाइआव साननाय जायो। फावखुंग्रि गायत्री ज'शीआ सावथुन मुलुगाव जेबो नारसिन्नायनि थाखाय नडा नाथाय गावनि मोजां मोनायनि

14 बोसोरनि उनाव मिरु मन्थिनि नुजाथिनायाव मुंदांखा रोजाबगिरिनि गोदान देंखो एल्बामखौ लन्च खालामनाय जादों

मुंदांखा रोजाबगिरि महित चौहाननि देंखो एल्बाम 'मुसाफिर' खौ दिने दिल्लीयाव लन्च खालामनाय जाबाय। बे एल्बामखौ मिरु मन्थि किरेन रिजिजुनि मावख'आरि न'आव खुनाय मोनसे हाबाफारियाव फोसावनाय जादों। फोरमायथिनि बायदिक्ला, बे एल्बामखौ इन्ड' मंगलिया देंखोनि हेफाजाबाव बानायनाय जादों। बेजों लो गोसे बे एल्बाम 'दुर'नि गिबि मेथाइखौबो दिने फोसावनाय जाबाय। रोजाबगिरिया बुंदोंदि, बे एल्बाममाव गासै मोन 6 मेथाइफोर थगोन। बे मेथाइखौ हिमाचल प्रदेशआव सेबखानाय जादों। रोजाबगिरि महित चौहानआ बुंदोंदि, आनि हारसिं एल्बामा 14 बोसोरनि उनाव फेगासिनो, जेराव हिन्दी आरो माखासे मेथाइफोरखौ मंगलियान रावआव रनसायनाय जादों। मंगलियाजों भारतहा जोबोद गोजाम सोमोन्दो दं। दिने मंगलियायाव गोदान बोसोरबो फालिनाय जादों आरो दिने बे जर'खा फालिथायाव गिबि मेथाइ 'दुर' खौ फोसावनाय जादों। रोजाबगिरिया आरोबाव बुंदोंमोनदि, गिबिसिन बाथ्राया किरेन रिजिजुजों मंगलियाव थांनायमोन आरो बैयाव हारिमुखौ मिथिनो थाखाय देंखोगिरिखौ लो गो हमदोंमोन। बेनि उनाव आं हमदांनो हादोंदि, मंगलियानि हारिमुखौ जोबोद गोजाम। सुबुंफोरा गिबि खेबनि थाखाय मंगलियान साउन्डआव हिन्दी मेथाइ



मोनगोन। मिरु मन्थि किरेन रिजिजुआ बे फालिथायाव बुंदोंदि, मंगलियाया मोनसे गोदो गोदायनि हादर, जॉनि हादोरनि गोबां सुबुंफोरा बेखौ मिबथियादि, भारत आरो मंगलियायनि गेजेराव धोरोमारि महरै खाथि सोमोन्दो दं आरो मंगलियाया मोनसे बौद्ध हादर आरो बैनि सुबुंफोरा बौद्ध धोरोमखौ फोथायो। बौद्ध धोरोमा भारतनिफ्राय बैयाव थांबाय बेनिखायनो बैनि सुबुंफोरा भारतखौ सासे धोरोमारि गुरु मानियो। मन्थि रिजिजुआ बुंदोंदि, रोजाबगिरि महित चौहानआ देंखोनि गेजेरजों मोन्ने हादरखौ फोनांजाबनो नाजादों आरो देंखोजों गोरुबलायाना बै हादोरनि रोजाबगिरिफोरजों हेफाजाव होनांने मोनसे एल्बाम बानायदों। देंखोनि गेजेरजों भारत आरो मंगलियायाखौ मोनसेयै खालामनो नाजानाय जादों। बे गोथौ सोमोन्दोखौ लाखिनायाव देंखोआ गोनांथार बिफाव लागोन। बे हाबाफारियाव नुजाथिनाय मिरु मन्थि मोनाक्षी

शाहिद कापुर-कृति सेनननि टिबिएमएडुजेआ नैथि सानाव सोमोनांथाव आरजिदों



शाहिद कापुर आरो कृति सेनननि रमान्टिक कमेडी सावथुन 'तेरी बातों में' ऐसा उलझा जिया'आ 9 फेब्रुआरिआव सिनेमाहलफोराव रिलिज जादों। बे सावथुना सुबुंफोरनिफ्राय मोजां सावरायनाय मोनगासिनो दं। बेबादि थासारियाव आथिखालाव तेरी बातों में' ऐसा उलझा जियानि गिबि साननि बक्स अफिस बुथुमनायनि उनाव नैथि साननि गोदानरनि अनजिमाया ऑंखारबाय। सावथुन 'तेरी बातों में' ऐसा उलझा जिया' आ बक्स अफिसआव नैथि सानाव आसा खालामनायनिखुइ साबसिन जाफुंसारदों। शाहिद कापुर आरो कृति सेनन स्टारार सावथुना भेलेन्टाइन सप्ताहनि गोबां मुलाफ्फा मोननो थांगसिनो। सावथुना बक्स अफिसआव साबसिन जागासिनो दं। शाहिद कापुर आरो कृति सेनननि तेरी बातों में' ऐसा उलझा जियाआ रिलिजनि सिगां एडभान्स बुकिनिफ्राय 2.11 कौटि रॉल' आर्जिदोंमोन। बे समावनो सावथुनआ गिबि सानाव भारतआव 6.5 कौटि रॉ आर्जिदों। साकनिलकनि मोनसे रिपटनि बायदिक्ला, बे सावथुनआ सनिबाव 9.50 कौटि खामायदों। तेरी बातों में' ऐसा उलझा जियाआ शनिबाव गासै 22.16 जौखोन्दो हिन्दी नायगिरिफोर मोनो हादों। दिहुनगिरि दिनेश भिजाननि प्रडाक्शन हाउसआव बानायनाय बे सावथुनाव शाहिद कापुर आरो कृति सेननआ गाहाइ फाव खालामदों। सानैखौबो गिबि खेबनि थाखाय जयै स्क्रिन शेयार खालामनाय नुनो मोन्दो। सावथुना बक्स अफिसआव मोजाइजाफुंसारगासिनो दं। सावथुननि बाजेटखौ फ्राय 75 कौटि रॉ होनाय जादों। सावथुन दिहुनगिरि अमित जशी आरो आराधना साहजों दिथाहोजानाय 'तेरी बातों में' ऐसा उलझा जिया'आव शाहिद कापुरआ सासे सुबुंनि फाव खालामगासिनो, जाय सासे रबटजों जुलि जानो थिरांथा लायो। बे सावथुना मंडक फिल्मसजों दिहुनजानाय। सावथुनाव धर्मन्द्र आरो डिम्पल कपाडियाबो दं।

टिवंकल खानाया भेलेन्टाइन डेनि सिगां भारतारि फिसायफोरनि सोमोन्दै जुनिया बाथ्राफोरखौ फोरमादों

अक्षय कुमारनि बिसि आरो फावखुंग्रि टिवंकल खानाया गावनि रंग'थिनि थाखाय जेब्लाबो सावरायजाबाय थायो। टिवंकल खानाया भेलेन्टाइन डेनि सिगां मोनसे मिनिथाव परट शेयार खालामदों। टिवंकल खाना उर्फ मिसेज फनीबन्सआ भेलेन्टाइन डेआव गावनि सानसिफोरखौ फोरमायो। टिवंकलआ गावनि मिनिथाव इन्सटाग्राम केषाननि थाखाय मिथिजायो। फावखुंग्रिया मुलुगनाडैनो फालिजानाय भेलेन्टाइन डेआव फिनजाथाय होदों। बिथानोआ भेलेन्टाइन डेआव फेस्ता खालामदोंदि, बियो मिथिगौ फिसायफोरा गावसोरनि बिसिफोरनो मा अन्थोब होयो। अक्षय कुमार आरो टिवंकल खानाया बलिउडनि बयनिखुइबो मुंदांखासिन जराफोरनि गेजेराव सासे आरो जराया सशेल मिडियायावबो जोबोद सांघां। भेलेन्टाइन डेखौ मानो फालिनाय जायो बेखौ साननांने फावखुंग्रिया लिरदोंदि, भेलेन्टाइन डेआ मोनसे आन्जाद महरै जागायजेदोंमोन, बर्डनि जथुमनि माखासे बोथोरफोराव, क्रिसमासनि उनाव फाननाया बाइइ जालानायनि बागै सावरायनाय जागौमोन आरो बिसोरो आद्रा थानाय अन्थोबफोरनिफ्राय आरजिनायनि बाथ्रा सानगौमोन। बे समावनो बिथाइ सुबुंफोरखौ अनथोब बायनो थाखाय माबोरै थुलुंगा होनो हायो बे बाथ्राखौ सानदोंमोन जानांगौ। बेराफारसैथि, जार्मान-आमेरिकानि सानथौगिरि हान्ना एरेन्डआ सानसेखालि बुंदोंमोनदि, मोनसे मोनदांथिया अब्लासो नुजायो जेब्ला बेखौ बुनाय जायो। बेनि गासिबो जाग्राफोरजों भेलेन्टाइन डेआ जानो हागौ मोजां मोनलायनायनि गुमुरखौ बांसिन गोखौं खालामो। फावखुंग्रि टिवंकल खानाया आरोबाव बुंदोंदि, अदेबानि जुदि नोंथाइ आइजोफोरनाव सोडे, जायफोरा



जि बोसोरनि बांसिन समनिफ्राय जुलि जाखांबाय। भेलेन्टाइन डेआव नॉनि फिसाइया नोनो मा होदोंमोन? बेनिखायनो बिसोरनि बयनिखुइबो थार फिन्नाया जागोन, 'जेब्लाबोनि सम बायदि, खर' सानाय, मोजां मोननाया थारैनो सोमोन्दोखौ जोबोद गोखौं खालामो। भारतारि फिसायफोरा गावसोरनि बिसिफोरखौ जोबोद मोजां मोनो बेनिखायनो खर' सानाय जानाया जॉनि थाखाय भेलेन्टाइन डेनि अनथोबनिफ्राय खम नडा। अक्षय कुमार आरो टिवंकल खानाया 2001 माइथायाव जुलि लायो। बे जराया सासे फिसाज्ला आरो सासे फिसाजो आरब आरो नितारानि बिमा-बिफा। टिवंकल खानाया सासे भारतारि फावखुंग्रि, जाय गावनि गोखौं आखुनि थाखाय मिथिजायो। बिथाइ गावनि सावथुन जिउ राहाखौ 'बरसात' सावथुनजों जुरिजेनदोंमोन।

गाहाम देहानि राहा

बेफोर थाइब्रै फिथाइफोराव बयनिखुइ बांसिन पटेशियाम थायो

पटेशियामा मोनसे इलेक्ट्रोलाइट गोनां गुदिमुवा, जाय बिपिखौ सामलायनायाव मदद खालामो। बे नाभांस सिस्टेमा मोदोमनि संकुचनआव खामानि मावो। बेयो ब्लाड प्रेसारनि सायाव सडियामनि गोहोमखौ बाइइ खालामो। बेयो जिबिखिफोराव निउट्रियेन्टफोरखौ लांनयाव मदद खालामो आरो जिबिखिफोरनिफ्राय दिहुनजानाय बेसादफोरखौ सिगारनायाव मदद होयो। सावसिखौ समानथि खालामनायाव



जिबिखिफोरनि सिडव आरो बायजोआव बेनि खारनायखौ सामलायनायाव मदद खालामो आरो बिखाखौ समानथि खालामो।

3. किवि फिथाइ: 1 किविआव फ्राय 562 मिलीग्राम पटेशियामफोर थायो। बेयो मोनफ्रोम 100 ग्रामआव 312 मिलीग्राम पटेशियाम थायो। बेयो बिखाखौ गाहामै लाखिनायाव हेफाजाव होयो। बेनि अनगायैबो बे फिथाइखौ जानायजों होबथानो हानाय गोहो बांहोनाय आरो देहानि जिबिखिफोर आरो मोदोम-रोदाफोरखौ मोजाइ लाखिनायाव मदद



पटेशियामा जोबोद गोनांथार। बिनिखायनो, पटेशियमजों बुंफबनाय आदार जानाया समानथायखौ लाखिनायाव मदद होनो हागौ। बे बेलायाव नोंथाइ बे थाइ 4 फिथाइफोरखौ जानो हायो।

1. एभकाड: एभकाड'आव मोनसे मोजां बिबांनि पटेशियामफोर थायो। बिदिन्थि बायदिथे, मोनफ्रोम 100 ग्राम एभकाड'आव 583 मिलीग्राम पटेशियमफोर थायो। बे खनिजफोरा नोंथानि गासै नाभांस सिस्टेमाव नाभ आवेगफोरखौ सांघां



खालामनायाव मोनसे गोनांथार बिफाव लायो। नाभ आवेगफोरा मोदोमनि संकुचनखौ मदद खालामो आरो बिखाखौ सामलायो।

2. सुफ्राम: मोनफ्रोम 1 काप सुफ्रामनि जुसआव 688 मिलीग्राम पटेशियाम थायो। बेनि जाहोनाव धमनिफोरा गुवार जायो आरो थैनि गोसारथिया साबसिन जायो। बे खनिजआ मोनसे गोग्गो बिखांनि थाखायबो गोनांथार मानोना बेयो



खालामो।

4. थालिर: थालिर जानाया लिरथाइ बांहोनायाव मदद खालामो। 100 ग्राम थालिरआव 358 मिलीग्राम पटेशियाम थायो, जायनि मददजों नोंथाइ गावनि बिखाखौ मोजाइ लाखिनो हायो। बेयो धमनफोरखौ मोजाइ लाखियो आरो नोंथाइ बिखाजों सोमोन्दो गोनां बेरामफोर जैरै हाइ बिपिनिफ्राय रैखा खालामो। बेनिखायनो, बेफोर गासैबो जाहोनफोरनि थाखाय नोंथाइ बे फिथाइफोरखौ जानो हागोन।

(बे लिरबिदांआ सरसनस्त्रा फोरमायथिनि थाखाय अन्नांने जायखिजाया गहाखौ नाजवायनि सिगां डक्टरजों सुबुरुन लानाया गोनां)

फावखुंगुर मिथुन चक्रभर्तीखौ कलकातानि गंसे देहा फाहामसालियाव थिसननाय जादों



फावखुंगुर-राजखान्थिगिरि मिथुन चक्रभर्तीखौ देहा फाहामसालियाव थिसननाय जादों। फावखुंगुरखौ शनिबार, 10 फेब्रुआरिखालि कलकातानि एपल' देहा फाहामसालियाव लांनय जादों। फावखुंगुरआ मोजां जायैनि उनाव बिथानो देहा फाहामसालियाव लांनय जादोंमोन। बेसोगोरा फावखुंगुर आरो बिजेपिनि दैदेनगिरि मिथुन चक्रभर्तीनि सावसिआ बिथानि अनसायगिरिफोरनि गेजेराव जिंगानि थासारि सोमजिहोदों, नाथाय बे समावनो मिथुननि फिसाज्ला बुंदोंदि, बियो 100 जौखोन्दो मोजां थासारियाव दं आरो बेयो एपल' देहा फाहामसालियाव मोनसे सरसनस्त्रा नायबिजिरनायमोन। मिथुन चक्रभर्तीनि बैसोआ 73 बोसोर जाबाय। 10 फेब्रुआरि शनिबारनि फुंआव मिथुन चक्रभर्तीआ हरखाबै बिखा सानायजों लो गोसे असुबिधा मोनो, जायनि उनाव बिथानो गोखैयै देहा फाहामसालियाव लांनय

रजनीकान्तनि 'लाल सलाम'आ नैथि सानाव गोबां रं आरजिदों

रथि तेजानि 'इगल' आरो रजनीकान्तनि 'लाल सलाम'आ फेब्रुआरिआव सिनेमाहलफोराव रिलिज खालामनाय जाबाय। साउथनि सानै मुंदांखा फावखुंगुरफोरनि सोमोनांथाव सावथुनफोरा फोसाव जादों। सावथुन 'इगल' आरो 'लाल सलाम'आ मोजां सावरायनाय मोनगासिनो दं। बे मोनने खोलायारि सावथुननि अनगायैबो सावथुन 'उन्वेषपिन कन्देतम'खौबो फोसावनाय जादों नाथाय बे मोनथाम खोलायारि सावथुनफोरनि गेजेराव रथि तेजानि 'इगल'आ नैथि सानाव बक्स अफिसआव गोबां रं आर्जिगसिनो दं। रजनीकान्तनि 'लाल सलाम'आ नैथि सानावबो जेबो जुनिया आरजिनो हायाखै। सक्निलकनि रिपट बायदिक्ला, रथि तेजानि 'इगल'आ गिबि सानाव 6.1 कौटि आर्जिनानै बक्स अफिसआव दुंहाव थासारि लाबोदों। फारसेथि रजनीकान्तनि 'लाल सलाम'आ गिबि सानाव 4.3 कौटिल' बुथुमदोंमोन। रजनीकान्तनि जर'खा केमिअ' सावथुन 'लाल सलाम'आ नैथि सानाव 6.55 कौटि खामायदों। रथि तेजानि 'इगल'आ खामायनायनि बेलायाव आवगयनाय नुनो मोनो। रथि तेजानि सावथुन 'इगल'आ सानैनाय 10.95 कौटि खामायदों। सावथुन इगलनि सल'आ सासे थिखानाय बुथारगिरि सहदेब बार्मानि। सावथुन इगलआ कार्तिक गद्दमनेनीजों दिथाहोजानाय आरो पीपल मिडिया फेक्ट्रीनि बेनारनि सिडव बानायजानाय। बे सावथुनाव काव्या थापर, अनुपमा परमेश्वरन,



बिनय राय, नभदीप आरो मधुबो दं। इगलखौ खालि तेलुगु आरो हिन्दी रावफोरावल फेसालियाव रिलिज खालामनाय जादों। बे सावथुना दासिमबो हिन्दी रावआव रिलिज जायाखै। रथि तेजानि सावथुन इगलखौ 80 कौटिनि बाजेटआव बानायनाय जादों। बेराफारसे लाल सलामनि बाथ्रा बुडेब्ला, बेयो रजनीकान्तनि फिसाजो ऐश्वर्या रजनीकान्तजों दिथाहोजानाय मोनसे स्पर्टस ड्रामा सावथुन। बे सावथुनाव विष्णु, भिशाल आरो भिक्रान्तआ गाहाइ बिफावआव दं। रजनीकान्तआ मोनसे केमिअ'आव नुजाथिदोंमोन। रजनीकान्तनि स्टारार सावथुनखौ तामिल, तेलुगु, हिन्दी, मालायलम आरो कन्नड रावफोराव फोसावनाय जादों। बे सावथुनाव भि ग्नेश, लिविंगस्टन, सेंथिल, जीभिथा, केएस रथिकुमार आरो थन्वी रमेयाबो दं।

गुबुन हादरनि रां थिसनगिरिफोरा भारत सरकारनि बन्डआव पैदों

गोदान दिल्ली, 11 फेब्रुवारी: गुबुन हादरयारि रां थिसनगिरिफोरा भारत सरकारनि बन्डनि थाखाय इम्प्रेस जादों। गुबुन हादरयारि पर्टफलिअ रां थिसनगिरिफोरा (एफपीआइ) बे दानआव दासिम हादरनि दाहार हाथायाव 15,000 कौटि रांनि बांसिन रां थिसनदों। जानुवारियाव गुबुन हादरयारि पर्टफलिअ रां थिसनगिरिफोरा (एफपीआइ) बन्ड हाथायाव 19,836 कौटि रां थिसनदों, जाय 6 बोसोरनि बांसिन दानयारि अन्जिमामोन। भारतयारि हाथायाव गुबुन हादरयारि रां थिसनगिरिफोरनि गोसो बोनो हानाय बांनयनि जाहोना जाबाय जेपी मर्गन इन्डेक्सआव भारत सरकारनि बन्डफोरखौ सोफादेरनाय आरो रांखास्थिनि दिदोम नोजोर। बेनि सिगाडव जुन 2017 माइथायाव एफपीआइफोरा बन्ड हाथायाव 25,685 कौटि रां थिसनदोंमोन। डिपजिट रिफोरेनि खारिथिनिफ्राय मिथिनो मोनाय बायदिब्ला, गुबुन हादरयारि पर्टफलिअ इनभेस्टरफोरा



(एफपीआइ) नायबिजिरनाय समनि गेजेराव इक्विटिनिफ्राय 3,000 कौटि रांनि बांसिन दिहुन्दोंमोन। बेनि सिगाडव जानुवारिआव बिथांमोनहा शेरयारिफ्राय 25,743 कौटि रांनि मोनसे गिदिर बिबां दिहुन्दोंमोन। जियजित फाइनेन्सियल सांभिसनि गाहाइ इनभेस्टमेन्ट स्टेटेजिस्ट भिके भिजय कुमारआ बुंदोंदि, इक्विटी आरो बन्डआव बे गुबुन गुबुन ट्रेन्डनि गुबै जाहोना भारतयारि स्टक हाथाइनि गोजौ बेसेन आरो आमेरिकायाव

बांलांनय बन्ड दिहुनथाय। मर्निस्टार इनभेस्टमेन्ट रिसार्च इन्डियानि लोगो दिथागिरि-सामलायगिरि बिजिरसं हिमांशु शीर्षा री बरत ब अा बुंदोंमोनदि, बाइजोआव बोहैनायनि गुबै जाहोना नख'रारि आरो मुलुगनां हाथाइफोराव सुतनि हारनि नोजोरनि सायाव रोखा नड। खारि बायदिब्ला, गुबुन हादरयारि पर्टफलिअ इनभेस्टरफोरा (एफपीआइ) बे दानाव (9 फेब्रुवारिसिम) बन्ड हाथाइयाव 15,093

कौटि रां थिसनदों। बेजों लोगोसे 2024 माइथायाव एफपिआइफोरनि गासै रां थिसननाया 34,930 कौटि रांनि बांसिन जाबाय। गुबुन हादरयारि रां थिसनगिरिफोरा थांनय माखासे दानफोरनिफ्रायनो बन्ड हाथाइयाव रां थिसनबाय थादों। डिसेम्बर 2023 माइथायाव, बिथांमोनहा बन्ड हाथायाव 18,302 कौटि रां, नभेम्बरआव 14,860 कौटि रां आरो अक्टबरआव 6,381 कौटि रां थिसनदोंमोन।

गाजायाव सासे हिन्जावसाजों लोगोसे सानै रैखाथि मावफारियानि गोथै सह बोखांदों

गाजा, 11 फेब्रुवारी: इजराइल आरो हमासनि गेजेराव सोलिबाय थांनय दावहायाव रोजा-रोजा सुबुंफोरनि जिउ गोमाबाय। फिलिस्टाइननि सावसि बिबानगिरिफोरनि बादिब्ला, थांनय 4 दानआव इजराइलनि गाजाआव उरांजों गोखों बमा होनाय आरो हा सा सान्थिनि गाग्लोबनायाव सा 27 रोजानिफ्राय बांसिन सुबुंफोरनि जिउ गोमादों। बेराफसै मोनसे रैखाथि अपारसेनआव 6 बोसोरनि फिलिस्टाइन हिन्जावसाजों लोगोसे सानै रैखाथि मावफारियाखौ लाफानासै सा 6 सुबुंफोरनि गोथै सह बोखांनो मोन्दों। बे हिन्जावसांनि मुख हिन्द रजकमोन। निउयर्क टाइम्सनि रिपर्ट बादिब्ला, सानै रैखाथि मावफारियाखौ बै हिन्जावसाखौ नागिरनो थाखाय थांनय 29 जानुवारिनि मोनाबिलिआव गंसे एम्बुलेन्जजों दैथायहरदोंमोन। हिन्जावसाआ गाजा सहरआव गावनि नख'रनि सा 6 थैनाय सोद्रोमाफोरजों जयै गंसे गारिआव राहा गोथेनासै थादोंमोन। इउएन एजेन्सिआ



इजराइलनि गुलिआव बिसोरनि जिउ गोमादों होना दाबि दैखांदों। रेड क्रिसेनआ शनिबारखालि मोनसे फिनायाव इजराइल सान्थि हान्जाया एम्बुलेन्सआव बमाजों गाग्लोबदों होन्नानै दाय जाबसिन्दों। बेयो खवसे खामफ्रामनाय सिनायनो हायै एम्बुलेन्सनि सावगारिखौ ससेल मिडियाआव शेरयारि खालामदों। इजराइल सान्थिआ रेड क्रिसेन्टि

दाय जाबसिन्नायनि सायाव थाबैनो फिन्नाय होनो खवलायदों। थांनय सप्ताहआव सान्थिआ बे जाथायनि खौरां मोनाखै होन्नानै बुंदोंमोन। मख'जाथावदि, गाजानि बिबानगिरिफोरनि बादिब्ला, दावहायाव थैनायफोरनि गेजेराव सा 12 रोजानि बांसिन गथ'साफोर दड। गथ'साफोरनि थाखाय खामानि मावग्रा इउएननि

एजेन्सि, इउनिसे फआ शुक्रबारआव बुंदोंमोनदि, 6 लाखनि बांसिन गथ'फोर आरो बिसोरनि नख'रआ खोला गाजानि सहर रफाआव बिथा खोमानांदों। हमासआ इजराइलआव सिमा बारना हाबहैना गोखों गाग्लोबनासै 1,200 सुबुंफोरनि जिउ खोमानायनि उनावनो गाजाआव इजराइलआ गोखोडै गाग्लोबनो जागायदोंमोन।

भारतखौ रसियानिफ्राय जानगार होनो आमेरिकाया हुमखि होयो: रसियानि थान्दै

गोदान दिल्ली, 11 फेब्रुवारी: रसियानि थान्दै डेनिस आल्पभाआ आमेरिका आरो भारतनि सोमोन्दोखौ लानानै गिदिर बिबुंथि होदों। भारतआव थांनय रसियानि थान्दै डेनिसआ बुंदोंदि, गावसिनि हादर एबा रसियाआ भारतनि फोथायजाथाव लोगो। नाथाय आमेरिकाया होबथानायनि हुमखि होनानै बे सोमोन्दोखौ गात्रि खालामनो नाजागासिनो। भारत-रसियानि सोमोन्दोआ गोथै फोथायनाय आरो समनि सेलेन्जआव जाफूसारनो हानाय लोगो महैर गोखों आरो मुंदांखा जानो हानाय। बेबादि सावगारिखौ जागायजेनायाव भारतयारि समाजयारि-रांखास्थि जौगानायाव इउएसएसआरनि गाहाइ बिहोमा होनायनि जाहोनाव महर मोन्नाय जादोंमोन आरो बेयो दासिमबो गाहामै सोलिनानै दड। रसियानि थान्दैआ बुंवावोदि, भारतआव



आगान होफेनाय आमेरिकान बिबानगिरिफोरा भारतखौ रसियानिफ्राय जानगार खालामनो हास्थायनायखौ बुंथिनायावबो गोनो-गोथो जाया। बिसोर होबथानायनि हुमखि होनानै सिगिनो नाजायो। माखासे भारतीय शेरयारिफोरखौ सांग्रथियै थानो थाखायबो नारसिनो। नाथाय माखासे एबादि सुबुंफोरबो दड, जायनि थाखाय बेबादि नोजोर होनाया गनायथाव नड। बेनि

अनगायै रसियानि थान्दै डेनिसआ इउएन रैखाथि परिषदिनि भारतखौ अरायथा सोद्रामा खालामनांनो होन्नानैबो दाबि खालामदों। रैखाथि परिषदिनि अराथा सोद्रामा महैर भारतआ बेलेन्सखौ लाखिलांनयजों लोगोसेनो खोला हादरफोरनि हिटफोरनि सायाव बिथा खालामनाय एजेन्डाफोरखोबो बांहोनायाव मख'जाथाव बिहोमा होनो हागौ होन्नानैबो बिथाड बुडो।

हांगेरिनि हादरगिरि केटलिन नभाकआ बिबान एंगलायबाय

बुदापेस्ट, 11 फेब्रुवारी: हांगेरिनि हादरगिरि केटलिन नभाकआ हादरगिरि बिबानखौ नागारबाय। शनिबारखालि बिथाडा गावनि बिबान नागारनाय थांखिखौ फोसावो। बिथाडा सासे एबादि सुबुंखौ निमाहा होदों, जाय 2022 आव गावनि बसआ बैसो जायै हिन्जावसाफोरनि सायाव अनागार खालामनायनि बाश्राखौ दोनखोमादोंमोन। बेनि उनाव हादरनाडै हेंथा धर्ना होनाया जागायो आरो केटलिन नभाकआ हादरगिरि मासिनिफ्राय बिबान एंगलायनो गोनां जायो। बिथाडा शनिबारखालि मोनसे बिबुंथियाव बुंदोंदि, हादरगिरि महैर बेनो बिथानि जोबथा बिबुंथि। मानोनो बिथाडा



हादरगिरि बिबाननिखौ नागारसिगोन। अदेबानि बिथाडा उन्दैफोर आरो भुगिनांनय नख'रजों लोगोसे दडमोन आरो जेब्लायबो थागोनो होन्नानै बुंदों। फासैथि बिथाडा गावनि मावख'यारि ससेल मिडिया एकाउन्ट एक्सआव पस्ट खालामनानै नोगोरारिफोरनो गावनि खौरांनो होयो।

नभाकआ 2023 नि एप्रिल दानआव गंसे साइलड हमनि बारग'लेखइ बिथोनगिरि एन्डे के खौ निमाहा होदोंमोन। आइएएनएसनि बादिब्ला, लकेल निउज साइट 444. एइसइउनि गेजेरजों बे निमाहा होनायखौ रोखा खालामदों। जायनि उनाव शुक्रबारखालि बुदापेस्टआव

बिथांखौ बिबान नागारनांनो होन्ना हेंथा धर्ना खालामनाय जायो। थांनय बोसोरनि एप्रिल दानआव पप फ्रान्सिसआ बुदापेस्टआव दावबायहैदोंमोन। बे समावनो हादरगिरि बिबानआव थांनयनि गेजेरजों केटलिन नभाकआ सिल्डेन हमनि डिपुटि डिरेक्टरनि साजाखौ निमाहा होदोंमोन। अदेबानि हादरगिरिनि बेरेखायै धर्ना खालामनाय समाव बिथाडा राठारआव दावबायहैदोंमोन। उनाव हेंथा धर्ना होनाया बांबोनायाव नभाकआ बुदापेस्टआव थाबैनो गिदिंभोफिनो आरो गावनि हादरगिरि बिबानखौ नागारनो फोसावो। बेराफसै हादरगिरिआ बिबान एंगलायनायनि एसे

उनावनो हांगेरिनि आइन मन्थि जुदिट भर्गाआबो गावनि बिबानखौ नागारो। मख'नो गोनांदि, जुदिटआबो बै दायनिगिरिखौ निमाहा होनायनि गनायथि होदोंमोन। नभाक आरो जुदिटआ गाव-गावनि बिबानखौ एंगलायनायनि उनावबो बेरेखा दोलोफोर गाहाइ मन्थि भिक्टर अर्बेनखौबो बिबान एंगलायनांनो होन्नानै दाबि खालामदों। हादरआव सरकारनि बेरेखा धर्ना होनायखौ सुरलायहोनो थाखाय गाहाइ मन्थि अर्बेनआ बावैसो सिगां बुंदोंमोनदि, गावसोर संबिजितआव गथ'साफोरनि सायाव अनागार खालामनाय दायनिगिरिफोरनि साजाखौ निमाहा होनाय खास्थिनि सायाव फिन नायबिजिरगोन।

भारतआव इन्नभा क्रिस्टा, फर्चुनार आरो हिलाक्सनि डिलिभारिखौ जगायनो थांखि लाबाय

गोदान दिल्ली, 11 फेब्रुवारी: टयटा किलस्कार मटर (टिकेएम) आ भारतआव इन्नभा क्रिस्टा, फर्चुनार आरो हिलाक्सनि डिलिभारिखौ होबथानानै दोन्दोंमोन। ब्रान्डनि सायख'जानाय डिसेन इन्जिनफोरनि सायाव मुलुगनां होबथानायनि उनाव कम्पनीआ भारतआव अरायथा नडै महैर बेनि डिसेपेसखौ होबथादोंमोन। अदेबानि आथिखालाव फिन इउटिलिटिनि कारफोरखौ भारतआव डिलिभारिनि थाखाय जगायना होनायखौ जागायबाय। टयटा किलस्कार मटरआ फोसावनाय मोनसे फिन्नायाव बुंदोंदि, डिजेल इन्जिनआ भारतआव थि खालामनानै होनाय नेमखास्थिखौ आबुं खालामो आरो फिन खनसेबाव गावसोर भारतआव इन्न'भा क्रिस्टा, फर्चुनार आरो हिलाक्सखौ जगायना होनो जागायबाय। बेनि अनगायै बेयो ग्राहकफोरा जानांनय जेनानि थाखायबो दुखु मोन्नाय फोरमायदों। कम्पनीआ बुंवावोदि, डिजेल इन्जिनखौ लानानै भारतआव थि खालामनाय नेमखास्थिफोरनि



बादिदयै बेफोर गारिआ दिहुनजानाय। टयटा मटर कपरिसनआ सिगाडाव 29 जानुवारि 2024 आव कार टेस्टिंआव माखासे नेमखास्थि गैथै मोन्नायखौ रोखा खालामदोंमोन। जायखौ लानानै डिजेलजों सोलिग्रा गारि फान्नायफोरखौ होबथादोंमोन। बेखौ नायसंनयनि थाखाय टयटाआ मोनसे कमिटिबो दादोंमोन आरो बेखौ बिथा खालामनानैनो बेनि डिलिभारिखौ जागायनो आखाइयाव लादों। मख'जाथावदि, टयटनि डिजेल इन्जिनआव 2.4 लिटर, 2.8

लितर आरो 3.3 लिटर भि 6 बो दड। 2.4 लिटर 4 सिलेन्डर 2 जिडि डिजेल इन्जिनआ टयटा इन्नभा क्रिस्टानो पावार होयो। फासैथि 2.8 लिटर 4 सिलेन्डर 1 जिडि सिरिजखौ डिजेल

फर्चुनार आरो हिलाक्स मडेलआव नुनो मोन्नाय जायो। 3.3 लिटर एफ33ए भि 6 डिजेल टयटा लेन्डक्रुजार 200 आरो लेक्सास एलएक्स 500 डिनि पावार होयो।

डिपिं केसनि जाउनाव निर्मलाआ 8 बोसोरनि थाखाय बेन खालामजाबाय

गोदान दिल्ली, 11 फेब्रुवारी: भारतीय एथलीट निर्मला शरानखौ थांनय बोसोराव होबथानाय मुवा बाहायनायनि सायाव पजिटिभ केस मोन्नायनि उनाव नेसनेल एन्टि डिपिं एजेन्सिनि डिस्सिप्लिनारि पेनेलआ 8 बोसोरनि थाखाय बेन फोसावबाय। 28 बोसोर बैसोनि गेलेगिरिआ 2018 आव डिपिं आइन्खौ सिफायनायनि थाखाय 4 बोसोर बेन खालामजानायनि उनाव फिन थांनय बोसोरनि जुन दानआव भुबनेस्वरआव जालांनय नेसनेल इन्टर स्टेट सेम्पियनसिपआव ओंखारफिन्दोंमोन। थांनय



बोसोरनि 27 डिसेम्बरआव नाडानि एन्टि डिपिं डिस्सिप्लिनारि पेनेलजों होजानाय मोनसे बिथोनआव फोरमायनाय बादिब्ला, निर्मलानि सायाव फोसावनाय गोहोमआ 2023 नि 7 आगस्टनिफ्राय लानानै 8 बोसोरसिम सोलिगोन।

एमएडिनि वेबसाइट बादिब्ला, बिथांजोआ गावनि गिबि मुं निर्मलाजों एनाबलिक एन्ड्रजेनिक स्टेरइड आरो टेस्टोस्टेरनिनि थाखाय आन्जाद नायनायाव पजिटिभ मोनजादों। मख'नो गोनांदि, 2017 आव जालांनय

एसियान सेम्पियनसिपआव निर्मलाया आइजोफोरनि 400 मिटार बादायलायनायाव सनानि मेडेल देरहादोंमोन। नाथाय डिपिंनि थाखाय बिथांनि बे मेडेलखौ बोखांनानै लाफिन्दों। बिथांजोआ 2016 आव जालांनय रिय अलिम्पिकआव 400 मिटार आरो आइजोफोरनि 4x400 मिटार रिले आव बाहागो लादोंमोन। बिथांनि सायाव मोनसे टुर्नामेन्टनि बाइजोआव जानाय आन्जादआव लानाय नमुनाखौ जयपुरआव लांनय जादोंमोन।

दिल्ली उरां जाहाज गाथोनाव गंसे उरांआ गिदिर खैफोदनिफ्राय रेहाय मोन्दों

गोदान दिल्ली, 11 फेब्रुवारी: अमृतसरनिफ्राय इन्डिग'नि गंसे उरां जाहाजआ रबिबार फुंआव दिल्ली उरां गाथोनआव बागलायनायनि उनाव टेक्सीभेखौ बारलांदोंमोन। टेक्सीभआ उरां गाथोनाव

थांनय उरांफोरनि दोंसे लामा, जाय रानवे एप्रन, हेंगार, पार्मिनेल आरो गुबुन सुबिधाफोरजों सरजाबो। बे जाब्रबथाइनि उनाव दोंसे रानवेखौ 15 मिनिटनि थाखाय दोन्थनाय जादोंमोन। उरां 6इ 2221 खौ

थानाय उरांफोरनि दोंसे लामा, जाय रानवे एप्रन, हेंगार, पार्मिनेल आरो गुबुन सुबिधाफोरजों सरजाबो। बे जाब्रबथाइनि उनाव दोंसे रानवेखौ 15 मिनिटनि थाखाय दोन्थनाय जादोंमोन। उरां 6इ 2221 खौ



सामलायग्रा ए320 उरांआ, इन्डिआ गान्धी इन्टारनेसनेल एयारपर्टआव थि खालामखानाय टेक्सीभेनिफ्राय ओंखारलांनयनि उनाव रानवे 28/10 नि जोबथा रोबैआव सौहैदोंमोन। सुलुंनि बायदिब्ला, बे जाथाइजों 15

मिनिटसिम रानवेआ होबथानानानै थायो आरो माखासे उरां हगारनायाव गोहोम गोग्लैयो। खौरांनि बायदिब्ला, उनाव इन्डिग'नि गंसे टड वेनआ उरांखौ रानवेनि जोबथा रोबैनिफ्राय पार्किंसिम लाबोयो।

सानराइजार्स इस्टर्नआ एसए 20 लीगनि बिमुं देरहादों

गोदान दिल्ली, 11 फेब्रुवारी: साउथ आफ्रिका लीग (एसए) 20 नि जोबथा मेचआ सानराइजार्स इस्टर्न केप आरो डबान जुपार जइन्सनि गेजेराव जानानै थाडे। एडेन मेक्र मनि दैदेन्नाय सानराइजार्सनि टीमआ बे लीगनि जोबथा मेचखौ देरहानानै जारिमिन सोरजिदों। बे लीगआ एसए 20 लीगनि नैथि सिजनमोन आरो बे खेबआव गिबि सिजननिनो सेम्पियन सानराइजार्सआ बिमुंखौ देरहाफिन्दों। जोबथा मेचआव टसआव देरहानानै गिबियै बेटिं खालामनाय सानराइजार्स इस्टर्न केपआ 3 उडकेट खोमानानै 204 रान लादोंमोन। बे स्करनि टगैटआव डबर्ननि हान्जाया 17 अभाकआव 115 रानल' लानो हादों। बेबादि थासारिआव सानराइजार्सनि हान्जाया मेचखौ 82 रानजों गोलैयैनो देरहादों। टम एबेलआ सानराइजार्सनि देरहानायाव हिर' जानो हादों। मानोना बिथाड फाइनालाव 34 बलआव नो 55



रान लानो हादों। बे समाव मार्क जनसेनआ गोखों बलारनि फोरमानआव फेदों। मानोना बिथाड 4 अभाकआव 30 रान होनानै 5 उडकेट लादों। एडेननि दैदेन्नाय इस्टर्न केपआ बे सिजनआव मोजाडे दिन्थिफुनायजों जागायदों। जायनि फारिआव फाइनालाव हान्थिनाय लामायाव

टीमआ खेबनैल' मेचआव जेनदों। गुप स्टेज जोबनायनि उनाव बे हान्जाया पइन्नि फारिलाइयाव जौसिनआव थाहेंदों। गुबुन फासे केशब महाराजनि सुपार जइन्सआ बे सिजननि नैथि साबसिन हान्जा महरै पइन्नि फारिलाइआव नैथि थाखोआव जायगा मोन्दोब्लाबो फाइनालाव सानराइजार्सजों

जेनाडे। साउथ आफ्रिका टी-20 लीगआव बान्थानि राडा 70 मिलियन रेन्ड होदों। जाय राड भारतरारि राडव 31 कौटिआव थाहैयो। बे रनिफ्राय देरहानाय हान्जाया 34 मिलियन रेन्ड एबा 15 कौटिसो रों मोनहैगोन आरो रानासआप हान्जाया 16.25 मिलियन रेन्ड मोनगोन।

निकहत आरो अमितआ 75 थि स्ट्रेन्जा मेम'रिएलनि फाइनालाव सौहैबाय

गोदान दिल्ली, 11 फेब्रुवारी: वर्ल्ड सेम्पियन निकहत जरिं आरो कमनवेल्थ गेम्सनि गल्ड मेडलिस्ट अन्तिम पंगालआ सा 6 भारतीय बक्सारफोरनि गेजेराव जायगा मोन्नानै दड। जायफोर गेलेगिरिफोरा सोलिफु समाव बुल्गारियानि सफियांआव सोलिबाय थानाय 75 थि स्ट्रेन्जा मेम'रिएल टुर्नमेन्टनि फाइनालाव सौहैदों। नाथय सेमिफाइनालाव जेनानायनि उनाव नबिन आरो आकाशाआ ब्रन्ज मेडेलजोंनो गोजोनानादों। गिबि सेमिफाइनालाव निकहतआ बुल्गारियानि बक्सारज्वातिस्ताभा चुकानभाखौ आइजोफोरनि 50 कि:ग्रा: लिस्थायारि केटेगरिआव फेजेन्नाई फाइनालाव गावनि जायगाखौ रोखा खालामदों। निकहतआ गिबि राउन्डखौ 3-2 स्करआव देरहानायनि उनाव नैथि आरो थामथि राउन्डआव क्लीनस्विटजों देरहानानै राउन्डखौ 5-0 स्करआव देरहादोंमोन। बिथाडा फाइनालाव



उज्बेकिस्ताननि सबिना बबकुलभाजों मोगा-मोगि जागोन। हौवाफोरनि 51 कि:ग्रा: लिस्थायारि केटेगरिआव पंगालआ क्लीनस्विट खालामनो हादों। बिथाडा तुर्कीनि गुमुसखौ गासै खेबथाम राउन्डआव 5-0 स्करआव फेजेन्नाई। फाइनालाव अमितआ सोलिफु वर्ल्ड सेम्पियन काजाकिस्ताननि सान्जार तास्केनबेजों मोगा-मोगि जागोन। आइजोफोरनि 66 कि:ग्रा: लिस्थायारि केटेगरिआव अरुनदति चौधुरिआ गासै खेबथाम राउन्डआव स्लभाकियानि जेसिकाखौ 5-0

स्करजों फेजेनानै गोलैयैनो मेचखौ देरहादों। बिथाडजोआ फाइनालाव चीननि एसियान सेम्पियन यां लिउजों मोगा-मोगि जालायगोन। हौवाफोरनि 48 कि:ग्रा: केटेगरिआव बरुन सिंहआ खेबथाम राउन्डआव आल्जेरियानि केनौसि कामेलखौ 5-0 स्करआव फेजेन्नाई। बिथाडा क्वार्टर फाइनालाव बाइ मोन्दोंमोन। फाइनालाव बरुनआ कि गिस्ताननि खदजिभ अनभरजनजों मोगा-मोगि जालायगोन। 57 कि:ग्रा: लिस्थायारि केटेगरिआव सचिनआ

गिबि राउन्डआव 3-2 स्करआव उन जादोंमोनब्लाबो नैथि राउन्डखौ 5-0 आरो थामथि राउन्डआव 4-1 स्करजों देरहानानै फाइनालाव सौहैदों। बिथाडा बे खेबआव उज्बेकिस्ताननि शेखजद मुजाफरभजों बादायगोन। हौवाफोरनि 67 कि:ग्रा: लिस्थायारि केटेगरिआव रजतआ वाकअभारनि खाबुजों फाइनालाव हाबदों। आकाशा आरो नबिनआ ब्रन्ज मेडेलजोंनो गोजोन्नाबाय। जायनि फारिआव 71 कि:ग्रा:आव आकाशाआ उज्बेकिस्ताननि इकबलजन कलडारभजों जेनदों। बे समाव आकाशाआ गिबि राउन्डखौ गोलैयै देरहादोंब्लाबो नैथि आरो थामथि राउन्डआव जेनहैदों। आकाशाआ गिबि राउन्डखौ 5-0 स्करआव देरहादोंब्लाबो नैथि राउन्डआव बेरेखा बादायारिआ 3-2 आरो थामथि राउन्डआव 3-2 स्करजों देरहानानै फाइनालाव सौहैदों। नबिन कुमारआबो 92 कि:ग्रा: लिस्थायारि केटेगरिआव जजियानि जजि कुशिताशभिलीजों जेनदों।

रहितआ राजकटआव जर'खा रेकर्डनि फारिआव धनीखौ गाख्खायनायनि खाबु मोनगोन

गोदान दिल्ली, 11 फेब्रुवारी: भारत आरो इंग्लेण्डनि गेजेराव खेब 5 मेचनि टेस्ट सिरिजआ गोखोंनिफ्राय गोखोंसिन जाबोनो हमदों। बे सिरिजनि गिबि मेचआव इंग्लेण्डआ 28 रानजों देरहानायनि उनाव भारतीय हान्जाया आवगायफिनानै नैथि मेचखौ 106 रानजों देरहाफिन्दों। बेबादि थासारिआव सिरिजनि थामथि मेचआ मोननैबो टीमनि थाखाय जर'खा जानो थांगासिनो दड। थामथि मेचनि बादायलायनाया राजकटनि सौरास्ट्र क्रिकेट एस'सिएसन स्ट्रेडियामआव जागोन। बे मेचआव केपेन रहित शर्माआ बारा' केपेन एमएस धनीनि मोनसे गिदिर रेकर्डखौ सिमफायनो खाबु मोनगोन।



राजकट टेस्टआव रहितआ मेचखौ देरहानो नाजागोन। लोगोसे बिथाड भारतनि थाखाय बयनिखुद बांसिन 6 रान लानायनि फारिआव एमएस धनीखौ उनाव लाखिनो खाबु मोनगोन। रहितआ भारतनि जानानै दासिम खेब 56 टेस्ट मेच गेलेखांबाय। बे समाव बिथाड 96

इनिंसआव खेब 77 ड' रानजों 3827 रान लादोंमोन। बे खेबआव बिथाड इंग्लेण्डनि हेंथायै खेबनै 6 रान लानो हायोब्लानो भारतनि थाखाय बांसिन 6 रान लानो हानाय गेलेगिरि जागोन। धनीआ भारतनि जानानै खेब 90 टेस्ट मेच गेलेनायाव खेब 78 ड' रान

लादोंमोन। आथिखालाव एमएस धनीनि सिगाडाव खेब 71 ड' रानजों भिरेन्द्र सेहवागआ गिबि नम्बरआव जायगा मोनो। जायनि फारिआव रहितआ थामथि, सचिन तेन्दुलकारआ खेब 69 ड' रानजों बैथि आरो कपिल देवआ खेब 61 ड' रानजों बाथि नम्बरआव जायगा मोनो। सेहवागआ भारतनि थाखाय आथिखालाव बांसिन 6 रान लानाय जानानै दड। बिथाड खेब 104 टेस्ट मेच गेलेनायाव खेब 91 ड' रान लादोंमोन। बिथानि रेकर्डखौ सिफायनोब्ला रहितनो खेब 15 ड' राननि गोनाथि जायो। नाथय इंग्लेण्डनि हेंथायाव बिथाड एमएस धनीखौ उनाव गोलैयैनो लाखिनो हागौ।

इरानआ वर्ल्ड कापनिफ्राय इजराइलखौ बेन खालामनो दाबि दैखादों

तेहरान, 11 फेब्रुवारी: इराननि जोलुर जुथाय आफादआ वर्ल्ड फुटबलनि सामलायगिरि आफाद फिफानिसिम इजराइलनि जोलुर जुथाय आफादखौ बेन खालामनो आर'ज गाबदों। इराननि फुटबल फेडोरसननि वेबसाइटनि मोनसे बिबुथिआव इरानआ फिफानिसिम इजराइल जुथाय आफादखौ फुटबलजों सोमोन्दो थानाय गासैबो हाबाफारिफोरनिफ्राय बेन खालामनो खावलायदों। इरानआ गाजा आरो इजराइलनि गेजेराव सोलिनाय दावहानि सोमोन्दोजों बे दाबिखौ दैखादों। इरानआ फिफा आरो बेनि सोद्रोमा गौथुमफोरखौ इजराइलनि दायफोरखौ सोलिबाय थानायनिफ्राय होबथानो आरो दाय गैयै सुबुफोरजों लोगोसे नोगोरारिफोकोना जाग्रा आदार बायदि मुलामफायारि जगायनो थाखाय इजराइलखौ थाबैनो बेन खालामनो खावलायदों। गाजाआव दावहाआ थानाय बोसोरनि 7 अक्टबरखालि इजराइलनि बेरेखायै हमासनि उतखारिफोरनि गार्लोबनायजों जुरिजेन्दोंमोन। इजराइलनि मावख'यारि अन्जिमानि बादिब्ला, बे दावहायाव सा 1160 सो सुबुफोर जिउ गोमाबाय। जायनि गेजेराव बांसिनआनो नोगोरारि थागिरिफोरमोन। बेनि फिननायाव इजराइलआ हमासखौ फोजेबखानों समायखिर लाफिन्दों। हमासजों सामलायजानाय गाजा स्ट्रीटआव देहा बिफाननि मन्थिआ फोरमायनाय बादिब्ला, दावहायाव खमैबो सा 27,947 सुबुफोर जिउ गोमाबाय। जायनि



बांसिनानो आइजो आरो गथ'फोर। इरानआ नाथय हमास गार्लोबनायाव थोंजोडै लोब्बा थानायखौ नेवसिगारदों। इस्लामिक रिपब्लिकआ इजराइलखौ गनायथि होया आरो इरानीजों लोगोसे इजराइलनि एथलीटफोरनि गेजेराव गासैबो सोमोन्दोखौ होबथयो। इराननि राइज्योयारि खौरं बिजोडाव फोरमायनाय बादिब्ला, वेटलिफ्टर मुस्टाफा रजाइखौ पलेण्डनि मोनसे हाबाफारिआव इजराइलनि बादायारिजों आखाइ हमालयनायनि उनाव थानाय बोसोरनि आगस्ट दानआव जिउ जोबजासिम बेन फोसावदोंमोन।



आसाम सरकार

स्वास्थ्य सेवा अभियान-17, जर'खा देहा बाद

माहारियारि देहा मावथांखि आसामआ देहा सिबिथाडु बिथिडव जर'खायै बिमा आरो गथ'साफोरनि थाखाय अप्तालमिक, डेन्टेल बायदि स्पेसियेलिस्टफोरखौ लाफानानै आसामनि सायख'जानाय देहा खोन्दोफोराव मोनसेयै देहा सिबिथाइनि थाखाय जागायनाय मोनसे हाबाफारि।

फेब्रुवारी, 2024 दाननि थाखाय जिल्ला थाखोआव देहा बादानि फारिआइ

मुसि केशव महन्त
मन्थि, देहा आरो
नख'र अन्साइ, आसाम



माहारियारि देहा मावथांखि, आसाम

| क्र.सं. | जिल्ला | केम्प-1 | केम्प-2 | केम्प-3 | क्र.सं. | जिल्ला | केम्प-1 | केम्प-2 | केम्प-3 |
|---------|-------------|---|---|---|---------|----------------|---|--|---|
| 1 | बाक्स | 15/02/2024- काउलि, तामुलपुर बिपिएससि। | 22/02/2024- जामुगुरि संग' दुबाकासुमारि, गलागाव बिपिएससि | 23/02/2024- पचिम चाग्रा एलपि स्कुल, बरमा बिपिएससि | 18 | जरहाट | 17/02/2024- बालिगाव जेबि आर्ज्या बिदापि, सलमरा बिपिएससि | 22/02/2024- जंगिल ब्लक हाइ स्कुल, बागसचु बिपिएससि | 22/02/2024- तेंगाझान एलपि स्कुल, तिताबर बिपिएससि |
| 2 | बजालि | 16/02/2024- 202 नं. कालबारि बलक एल पि स्कुल, भवानिपुर बिपिएससि। | 22/02/2024- स्वाहिद मदन बर्मन स्मृति संग, बगपुर | | 19 | कामरुप मेट्र | 22/02/2024- पानिकाइति एलपि स्कुल, सनापुर बिपिएससि | 23/02/2024- पान्दु सारभदया बिदालया, वेस्ट जन | 27/02/2024- बरसजाइ क्लब, लालमाति, केपिटेल जन |
| 3 | बरपेटा | 22/02/2024- पाटलिकुडि एल पि स्कुल, मन्डिया बिपिएससि। | 27/02/2024- बिकेबिबि हाइ स्कुल, चेंगा बिपिएससि | 27/02/2024- बि.टि. एमड हाइ स्कुल, कालगासिया बिपिएससि | 20 | कामरुप | 16/02/2024- पलाहरतारि स्कुल, नागरखेर बिपिएससि | 23/02/2024- गौरंगा मन्दिर केम्पास, आमिनगाव, नर्ट गुवाहाटी बिपिएससि | 26/02/2024- बरमबइ एमपिएससि, हाज' बिपिएससि |
| 4 | बिस्वनाथ | 22/02/2024- नं.11 लाइन एल पि स्कुल, बिस्वनाथ चारियालि बिपिएससि। | 23/02/2024- सानतपुर बड' एलपि स्कुल, गहपुर बिपिएससि | 27/02/2024- रौमारि एलपि स्कुल, बेहालि बिपिएससि | 21 | काबि आंल | 12/02/2024- नाहरसाला एलपि स्कुल, चाडकिहला बिपिएससि | 16/02/2024- मिजुदिसा, मन्जा बिपिएससि | 23/02/2024- पारकुप पाहार एलपि स्कुल, हाडशाट बिपिएससि |
| 5 | बडइगाव | 22/02/2024- 699 बरगला एल पि स्कुल, बयतामारि बिपिएससि। | 27/02/2024- मुलागाव बाजार, बडइगाव बिपिएससि | 29/02/2024- बरजाना हाइ स्कुल, श्रीजंग्राम बिपिएससि | 22 | करिमगन्ज | 17/02/2024- बरगल एडसएस स्कुल, काचुवाडम बिपिएससि | 22/02/2024- हामिन्दपुर एलपि स्कुल, गिरिसगन्ज बिपिएससि | 28/02/2024- बालिपिप्ला एमड स्कुल, पातरकान्दि बिपिएससि |
| 6 | काछार | 19/02/2024- जलालपुर पिपिएससि, जलालपुर बिपिएससि। | 27/02/2024- कासिपुर गभट जुनियर बेसिक स्कुल, लक्षिपुर बिपिएससि | 29/02/2024- इरंमारा टिड, धलाइ बिपिएससि | 23 | कक्राझार | 12/02/2024- सिलबारि हाइ स्कुल, गसाइगाव बिपिएससि | 19/02/2024- तामाकुबारि बाजार हल, गसाइगाव बिपिएससि | 20/02/2024- बालागाव कमिउनिटि हल, कचुगाव बिपिएससि |
| 7 | चराइदेव | 26/02/2024- आयदेवखानि देबन्योति एल पि स्कुल, सापेखाति बिपिएससि। | 27/02/2024- तिमन पाब्लिक अडिट'रियाम, पातसाकु बिपिएससि | | 24 | लक्षिमपुर | 17/02/2024- जामुगुरि जिपि, धालपुर, बिपिएससि | 29/02/2024- बादाति जनजाति हाइ स्कुल, बिहापुर बिपिएससि | 29/02/2024- जागसिसुति हाइ स्कुल, दाकुवाकाना बिपिएससि |
| 8 | चिरां | 13/02/2024- बनजुतबारि एलपि स्कुल, बल्लामगुरि बिपिएससि। | 23/02/2024- आइपवालि बाजार, देउरि एससि, चिदली बिपिएससि | | 25 | माजुली | 29/02/2024- बाकट चापरि, मादारगुरि एलपि स्कुल ग्राउन्ड | | |
| 9 | दुरं | 15/02/2024- बेचिमारि मिलन संग, जालाल बिपिएससि | 26/02/2024- स्केनारि माद्रासा, गरियातारि, सिफाझार बिपिएससि | 27/02/2024- 2 नं. चेंगापारा रंगा मन्चा, पातरिघाट बिपिएससि | 26 | मरियाग | 12/02/2024- बारचापरि एमड स्कुल, लाहरिघाट ब्लक | 15/02/2024- आलाइसिंगा एलपि स्कुल, झाराग ब्लक | 23/02/2024- बुमुरगुरि युबक, संग, बुखन्था ब्लक |
| 10 | धेमाजि | 15/02/2024- गाहाइ सिभ नगर एलपि स्कुल, सिस्चिबरागाव बिपिएससि | 16/02/2024- कारागरा एलपि स्कुल, बेंगेनागर बिपिएससि | 17/02/2024- गुरारतालि सिसुज्यतो एमड स्कुल, गगामुक बिपिएससि | 27 | नगाव | 11/02/2024- कादमगुरि एमड स्कुल, सामागुरि बिपिएससि | 22/02/2024- आमगाव एसडि, डि बिपिएससि | 23/02/2024- कलनि झालाह आनात आश्रम, दागाव बिपिएससि |
| 11 | धुब्रि | 20/02/2024- 719 नं. बिसनदय एलपि स्कुल, गलकगन्ज बिपिएससि | 22/02/2024- पुब काउनाबारि एलपि स्कुल, रानिगन्ज बिपिएससि | 24/02/2024- आमिनेर चार एमड स्कुल, धर्मशाला बिपिएससि | 28 | नलबारि | 23/02/2024- पुब बासिरल एलपि स्कुल, | 27/02/2024- सुप्लेकुसि एलपि स्कुल | 29/02/2024- गलदिगला मक्ताब प्रातमिक बिदालया |
| 12 | दिब्रुगर | 16/02/2024- हाटिजान टिड हस्पिटल, तेडघाट बिपिएससि | 17/02/2024- बाहानिपटार एमभि स्कुल, कवां बिपिएससि | 23/02/2024- बगरितिलिया एलपि स्कुल, लाहवाल बिपिएससि | 29 | सिबसागर | 13/02/2024- आताबारि टिड, डेमौ बिपिएससि | 17/02/2024- चारि नामतियाल क्लब, गौरिसागर बिपिएससि | 20/02/2024- लक्ष्मीझान टिड, गेलेकि बिपिएससि |
| 13 | डिमा हासाव | 21/02/2024- एन. वारि भिलेज एलपि स्कुल, माहुर बिपिएससि | 21/02/2024- नातुनदिसाउ बाइकाउ, लांति बिपिएससि | 28/02/2024- डिमादाउवापु कमिउनिटि हल, गुन्डु बिपिएससि | 30 | सनितपुर | 22/02/2024- दलाबारि एएएम, पान्चमिले एनपिएससि सेक्टर, बिहागुरि | 27/02/2024- कातानिबारि एलपि स्कुल, बिहागुरि | 29/02/2024- सानसुबारि एलपिएस, बसंन, नाहारानि एससि, बिहागुरि |
| 14 | गवालपारा | 20/02/2024- मइजनागा एमभि स्कुल, मरनड बिपिएससि | 22/02/2023- फरिगापारा हाइ स्कुल, लक्षिपुर बिपिएससि | 26/02/2024- पुरानि बाकुरपारा एलपि स्कुल, आग्या बिपिएससि | 31 | साउट सालमारा | 24/02/2024- तुमनि हाइ स्कुल, साउट सालमारा बिपिएससि | 26/02/2024- झग्राचार जिपि अफिस, गाजारिकान्दि बिपिएससि | |
| 15 | गलाघाट | 16/02/2024- आबयझान टिडि हस्पिटल, सारुपतार बिपिएससि | 23/02/2024- कइलाघाट एलपि स्कुल, मिसामर बिपिएससि | 29/02/2024- साबिसगारिया एलपि स्कुल, सरुपतार बिपिएससि | 32 | तिनिचुक्रिया | 09/02/2024- धल्ला टिड, काकपटार बिपिएससि | 20/02/2024- हामुकझान जिपि लेद, केतेत बिपिएससि | 29/02/2024- मिलनन्यती हाइ स्कुल, ना सादिया बिपिएससि |
| 16 | हाइलाकान्दि | 26/02/2024- नेताजि क्लब, बाक्रिहावार्-III, कालिनगर बिपिएससि | 27/02/2024- सेरिसपुर टिडि नाचघर, आलगापुर बिपिएससि | 27/02/2024- बलदाबदली नन्दग्राम जिपि अफिस, कातलिचेर बिपिएससि | 33 | उदालगुरि | 19/02/2024- पुब पानिकाति एलपि स्कुल, अरं बिपिएससि | 20/02/2024- आत्तेरिकात टिडि हस्पिटल, कइराबारि बिपिएससि | 23/02/2024- चानलापारा एलपि स्कुल, उदालगुरि बिपिएससि |
| 17 | हजाइ | 13/02/2024- मिलिकबस्ति एलपि स्कुल, जुगिझान बिपिएससि | 16/02/2024- उदालि एमभि स्कुल, लंका बिपिएससि | | 34 | वेस्ट काबि आंल | 16/02/2024- करेदाग एलपि स्कुल, उमपानाइ बिपिएससि | 20/02/2024- बितुं रेनकामा एलपि स्कुल, दनकामकाम बिपिएससि | 27/02/2024- रंचेक एलपि स्कुल, बैतालांस' बिपिएससि |